


土岐文庫

文庫17

W 77

1



15

20

25

長洲沈歸愚評選

重訂唐詩

別裁集

授受堂藏版

昭和十年二月一日  
土岐吉房氏寄

010185 193891

文章 17

W 77

原序

明司  
亮藏書

有唐一代詩凡流傳至今者自大家名家  
而外即旁蹊曲徑亦各有精神面目流行  
其間不得謂正變盛衰不同而變者衰者  
可盡廢也然備一代之詩取其宏博而學  
詩者沿流討源則必尋究其指歸何者人  
之作詩將來詩教之本原也唐人之詩有  
優柔乎中順成和動之音亦有志微嚙殺

重訂唐詩別裁

流僻邪散之響由志微唯殺流僻邪散而  
欲上溯乎詩教之本原猶南轅而之幽薊  
北轅而之閩粵不可得也即或從事于聲  
之正者矣而仍泛泛焉嘈噴叢雜之紛逐  
猶笙鏞琴瑟與秦箏羌笛之類竝奏競陳  
而謂韶英之可聞亦不得也然則分別去  
取使後人心目有所準則而不惑者唯編  
詩者責矣顧自有明以來選古人之詩者

意見各殊嘉隆而後主復古者拘於方隅  
主標新者徇而先矩入手出奴二百年間  
迄無定論而時賢之竟尚華辭者復取前  
人所編穠纖浮艷之習揚其餘燼以易斯  
人之耳目此又與於岐趨之甚而詩教之  
衰未必不自編詩者遺之也夫編詩者之  
責能去鄭存雅而誤用之者轉使人去雅  
而羣趨乎鄭則分別去取之間顧不重乎

尚安用意見自私求新好異于一時以自  
誤而誤入也德潛於東髮後即喜鈔唐人  
詩集時競尚宋元適相笑也迄今幾三十  
年風氣駸上學者知唐為正軌矣第簡編  
紛襍無可據依故有志復古而未得其宗  
因借樹滋陳子取向時所錄五十餘卷刪  
而存之復於唐詩全帙中緝羅作什補所  
未備日月既久卷帙遂定既審其宗旨復

乾隆癸未秋七月長州沈德潛題於鱉水  
之清曠樓

重訂唐詩別裁集序

新城王阮亭尚書選唐賢三昧集取司空  
表聖不著一字盡得風流嚴滄浪羚羊  
角無迹可求之意蓋味在鹽酸外也而於  
杜少陵所云鯨魚碧海韓昌黎所云巨及  
摩天者或未之及余因取杜韓語意少唐  
詩別裁而新城所取亦兼及焉鐫版問世  
已四十餘年矣第當時采錄未竟同學陳

子樹茲攜至廣南鐫就體格有遺倘學詩者性情所喜欲奉為步趨而選中偏未之及恐不免如望洋而返也因而增入諸家如王楊盧駱唐初一體老杜亦云不廢江河萬古流也白傅諷諭有補世道入心本傳所云箴時之病補政之缺也張王樂府委折深婉曲道人情李青蓮後之變體也長吉嘔心荒陲古興怨愁悲杜牧之許

為楚騷之苗裔也又五言試帖前選略見今為制科所需檢擇佳篇垂示準則為入春秋闡者導夫先路也他如任華盧仝之粗野和凝香奩詩之褻嫚與夫一切生梗僻澁及貢媚獻諛之辭概排斥焉且前此詩人未立小傳未錄詩話今為補入前此評釋亦從簡略今較詳明俾學者讀其詩知其為人抑因評釋而窺作者之用心今

人與古人之心可如相告語矣成詩二十卷得詩一千九百二十八章詩雖未備要藉以扶掖雅正使人知唐詩中有鯨魚碧海巨刃摩天之觀未必不由乎此至於詩教之尊可以性情厚人倫匡政治感神明以及作詩之先審宗指繼論體裁繼論音節繼論神韻而一歸於中正和平前序與凡例中論之已詳不復更述

觀其體裁徐諷其音節未嘗立異不求苟同大約太淫濫以歸雅正于古人所云微而婉和而莊者庶幾一合焉此微意所存也同志者往復是編而因之以遞親乎風雅如適遠道者陸行之有車馬水行之有舟楫嗚呼其或可至也哉

康熙五十六年春正二十有六日長州沈德潛題於黃葉夕陽村舍

凡例

詩至有唐菁華極盛體制大備學者每從  
唐人詩入以宋元流以卑靡而漢京暨當  
塗典午諸家未必槩能領略從博涉後上  
探其原可也覽唐詩全秩受夷煩蝟裒成  
是編為學詩者發軔之助焉

讀詩者心平氣和涵泳浸漬則意味自出  
不宜自立意見勉強求合也况古人之言

重訂五言詩例

凡例



王子

包含無盡後人讀之隨其性情淺深高下各有會心如好晨風而慈父感悟講鹿鳴而兄弟同食斯為得之董子云詩無達詁此物此志也評點賡釋皆後人方隅之見此本不廢評點間存賡釋略示執途俾讀者知所從入耳識者諒諸

朱子云楚辭不皆是怨君被後人多說成怨君此言最中病痛如唐人中少陵固多

忠愛之詞義山問作風刺之語然必動輒去入即小小賦物對境詠懷亦必云某詩指其事其詩刺某人水月鏡花多成粘皮帶骨亦何取耶鈔中槩為刪卻

唐人選唐詩多不及李杜蜀韋毅才調集收李不收杜宋姚鉉唐文粹祇收老杜莫相疑行花卿歌等十篇真不可解也元楊伯謙唐音羣推善本亦不收李杜明高廷

迎女

禮正聲收李杜浸廣而未極其盛是集以  
李杜為宗元夜光五湖原泉彙集卷內  
別於諸家選本  
五言古體發源于西京流衍于魏晉顏廢  
千梁陳至唐顯慶龍朔間不振極矣陳伯  
玉力掃俳優直追曩茲讀感遇等章何啻  
在黃初間也張曲江李供奉總起風裁各  
異原本阮公唐體中能復古者以二家為

最

過江以後淵明詩胸次浩然天真絕俗當  
於言語意象外求之唐人祖述者王右丞  
得其清腴孟山人得其閒遠儲太祝得其  
真朴韋蘇州得其冲和柳柳州得其峻潔  
氣體風神倏然埃壒之外  
蘇李十九首以後五言所貴大率優柔  
入婉而多風少陵材力標舉篇幅恢張從

橫揮霍詩品又一變矣要其為國愛君感  
時傷亂真黎元希稷禹生平種種抱負無  
不流露於楮墨中詩之變情之正者也新  
寧高氏列為大家具有特識

大風柏梁七言權輿也自時厥後魏宋之  
間時多傑作唐人出而變態極焉初唐風  
調可歌氣格未上至王李高岑四家馳騁  
有餘安詳合度為一體李供奉鞭撻海岳

延元

白字

大家

揚詩

秀

驅走風霆非人力可及為一體杜工部沉  
雄激壯奔放險幻如萬寶樵陳千軍競逐  
天地渾與之氣至此盡洩為一體錢劉以  
降漸趨薄弱韓文公拔於貞元元和間  
蹕厲風發又別為一體七言楷式稱大倫  
云

五言律陰錫何遜庾信徐陵已開其體唐  
初人研揣聲音穩順體勢其製大備神龍

之世陳杜沈宋如渾金璞玉不頭追琢自  
饒名貴開寶以來李太白之穠麗王摩詰  
孟浩然之自得分道揚鑣並推極勝杜少  
陵獨開生面寓從橫顛倒於整密中故應  
超然拔萃終唐之世變態雖多無有越諸  
家之範圍者矣以此求之有餘師焉

七言律平叙易于徑直雕鏤失之佻巧比  
五言更難初唐英華年啟門戶未開不用

意而自勝後此摩詰東川春容大雅時崔  
司勳高散騎岑補闕諸公實為同調而大  
歷十子及劉賓客柳柳州其紹述也少陵  
胸次闊闊議論開闢一時盡掩諸家而義  
山詠史其餘變也外是曲徑旁門雅非正  
軌雖有搜羅槩從其略

五言長律貴嚴整貴勻稱貴屬對工切貴  
血脈動盪唐初應制贈送諸篇王楊盧駱

陳杜沈宋景許曲江並皆佳妙少陵出而  
瑰奇宏麗變動開合後此無能為役元白  
長律滔滔百韻使事亦復工穩但流易有  
餘變化不足故寧舍旃

五言絕句右丞之自然太白之高妙蘇州  
之古澹純是化機不關人力他如崔顥長  
干曲金昌緒春怨王建新嫁娘張祐宮詞  
等篇雖非專家亦稱絕調後人當于此問

詩

七言絕句貴言微旨遠語淺情深如清廟  
之瑟一倡而三歎有餘音者矣開元之時  
龍標供奉允稱神品外此高岑起激壯之  
音右丞作悽惋之調以至蒲桃美酒之詞  
黃河遠上之曲皆擅場也後李庶子劉賓  
客杜司空李樊南鄭都官諸家托興幽微  
克稱嗣響

重刊唐詩別裁

卷八

下

詩不可無法亂雜而無章非詩也然所謂  
法者行所不得不行止所不得不止而起  
伏照應八按轉換自神明變化於其中若  
泥定此處應如何彼處應如何則死法矣  
茲于評釋中偶示紀律一不以一定之法  
繩之試看天地間水流自行雲生自起何  
處更著得死法

詩一渾渾灑灑元氣結成乍讀之不見其

佳久而味之骨幹開張意趣洋溢斯為上  
乘若但工于琢句巧于著詞全局必多不  
振故有不著圈點而氣味渾成者收之有  
佳句可傳而中多敗闕者汰之領略此意  
便可讀漢魏人詩

唐人詩無論大家名家不能諸體兼善如  
少陵絕句少唱歎之音左司七言詘渾厚  
之力劉賓客不工古詩韓吏部不專近體

其大校也錄其所長遺其所短學者知所  
注力

唐人達樂者已少其樂府題不過借古人  
體製寫自己胸臆耳未必盡可被之管絃  
也故雜錄于各體中不另標樂府名目  
陳正字幽州臺歌韓吏部琴操或屬四言  
或屬六言王右丞送友人還山李翰林鳴  
皋歌韓吏部羅池廟迎神詞皆屬騷體因

篇什甚少附七言古中

詩本六籍之一王者以之觀民風考得失  
非為豔情發也雖三百以後離騷興美人  
之心字子有定情之詠然詞則託之男女  
義實關乎君臣友朋君子夜讀曲專詠豔  
情而唐末香奩體抑又甚焉去風人遠矣  
集中所載問及夫孀男女之詞要得好色  
不淫之旨而淫哇私褻槩從闕如

後行時視

唐人詩雖各出機杼，實憲章八代。如李陵錄別開陽關三疊之先聲，王粲七哀為垂老別無家別之祖，武子昂原本于阮公左司嗣音，夫彭澤撥厥由來精神，符合讀唐詩而不更求其所從出，猶登山不造五嶽，觀水不窮崑崙也。選唐人詩外，舊有古詩源，選本更當尋味焉。

重訂唐詩別裁集目次

卷一

五言古詩

魏徵一首

虞世南一首

章懷太子一首

蘇頌一首

陳子昂十九首

宋之問三首

薛稷一首

張九齡十四首

崔顥一首

王維二十三首



卷二 六首

劉春虛 二首

三昌齡 八首

儲光羲 十一首

陶翰 二首

邱為 二首

李頎 五首

賈至 二首

常建 八首

高適 二首

岑參 六首

崔曙 三首

包融 二首

薛據 一首

卷二

五言古詩

李白 四十二首 杜甫 五十二首

卷三

五言古詩

張謂 一首 王季友 一首

元結 十首 沈千運 三首

孟雲卿 二首 趙微明 三首

吳筠 一首 劉長卿 六首

五言古詩

錢起 六首

劉灣 一首

韋應物 四十四首

李端 二首

劉禹錫 二首

白居易 十七首

卷四

五言古詩

韓愈 十二首

柳宗元 二十一首

孟郊 十二首

賈島 一首

李益 三首

權德輿 三首

張籍 三首

溫庭筠 一首

趙嘏 一首

曹鄴 一首

李羣玉 二首

劉駕 二首

陸龜蒙 一首

卷五

七言古

王勃 一首

盧照鄰 一首

駱賓王 一首

劉希夷 二首

五言古詩

喬知之 一首

李嶠 一首

沈佺期 二首

宋之問 五首

郭振 一首

張說 一首

陳子昂 一首

張若虛 一首

孫逖 一首

高適 十首

岑參 十三首

李頎 九首

王維 九首

崔顥 二首

孟浩然 一首

丁仙芝 一首

儲光羲 一首

張謂 三首

王昌齡 二首

卷六

七言古

李 曰 三十六首  
杜 甫 三十四首

卷七

七言古

杜 甫 二十四首  
王季友 二首

元結 二首

劉長卿 四首

錢起 二首

柳士元 一首

盧綸 一首

劉禹錫 三首

韋應物 三首

韓愈 二十一首

卷八

七言古

柳宗元 四首

顧況 三首

白居易 十三首

元稹 四首

戴叔倫 一首

李紳 一首

李益 三首

楊巨源 一首

張籍 八首

王建 七首

李賀 六首

李商隱 一首

東閨 一首

張必 二首

鮑君徽 一首

張天一人 一首

裴羽仙 一首

曾慥 一首

卷九

五言律詩

玄宗皇帝三首

王績一首

楊炯一首

盧照鄰一首

王勃二首

駱賓王一首

蘇味道一首

韋承慶一首

劉希夷一首

陳子昂六首

杜審言七首

沈佺期七首

宋之問十首

李嶠二首

宗楚客一首

長孫正隱一首

邵振一首

蘇頲一首

崔湜一首

張說九首

張九齡四首

孫逖一首

梁獻一首

崔顥三首

劉昫二首

張子容二首

賀知章一首

陶翰一首

王維三十一首

孟浩然二首

常建 一首

卷一

五言律詩

賈至 一首

岑參 十七首

高適 四首

儲光羲 二首

崔曙 三首

殷璠 一首

李頎 一首

綦毋潛 一首

張謂 二首

王灣 一首

祖詠 二首

李白 二十七首

杜甫 六十三首

嚴武 一首

張巡 一首

邢巨 一首

卷十一

五言律詩

劉長卿 二十首

錢起 八首

韋應物 六首

郎士元 六首

皇甫冉 七首

皇甫曾 三首

司空曙 五首

盧綸 四首

李端 一首

顧况 一首

耿漳 一首

李嘉祐 四首

嚴維 三首

劉方平 二首

韓翃 四首

鄭錫 三首

包何 一首

崔峒 一首

于良史 二首

戎昱 三首

李益 一首

于鵠 三首

竇叔同 一首

朱昂 一首

戴叔倫 四首

楊巨源 一首

白居易 五首

常非月 一首

卷十二

五言律詩

韓愈 三首

柳宗元 二首

劉禹錫 二首

張籍 二首

李賀 一首

鮑溶 一首

張 枯 二首

賈 島 三首

李 德 裕 二首

李 商 隱 十 一 首

許 渾 三 首

趙 嘏 一 首

李 羣 王 一 首

項 斯 一 首

姚 合 一 首

周 賀 一 首

章 孝 標 一 首

溫 庭 筠 四 首

馬 戴 五 首

李 遠 一 首

于 武 陵 二 首

紀 唐 夫 一 首

周 朴 二 首

陸 龜 蒙 一 首

皮 日 休 一 首

張 喬 一 首

許 崇 三 首

李 咸 用 一 首

崔 塗 一 首

李 昌 符 三 首

鄭 谷 一 首

杜 荀 鶴 三 首

羅 隱 一 首

劉 綺 莊 一 首

韋 莊 二 首

李 洞 一 首

王 貞 白 三 首

張 蠟 一 首



周 繇 一首

崔道融 一首

宋若憲 一首

薛 瑗 一首

李 冶 二首

元 淳 一首

釋皎然 三首

處 默 一首

齊 已 四首

景 雲 一首

卷十三

七言律詩

亢全 七首

杜審言 一首

李 嶠 一首

宗楚客 一首

宋之問 一首

蘇 頲 三首

李 益 一首

張 說 一首

賈 曾 一首

崔 顥 二首

張 諤 一首

祖 詠 一首

崔 曙 一首

李 暹 一首

王 維 十一首

孟浩然 一首

李 頎 七首

高 適 三首

岑參 六首

萬楚 一首

張謂 三首

李白 四首

杜甫 三十一首

卷十四

七言律詩

杜 甫 二十六首 張志和 一首

陶 峴 一首 元 結 一首

劉長卿 十一首 錢 起 五首

韋應物 一首 皇甫冉 四首

皇甫曾 二首 李嘉祐 二首

郎士元 一首 韓 翃 四首

秦 系 一首 盧 綸 五首

竇叔向 一首 竇 常 一首

朱 灣 一首 戴叔倫 一首

司空曙 三首 李 端 二首

張南史 一首 劉方平 一首

重訂唐詩別裁

耿緯一首  
李益二首

鮑溶一首  
武元衡二首

楊巨源三首

卷十五

七言律詩

韓愈四首  
柳宗元五首

劉禹錫十三首  
白居易十八首

元稹六首  
李德裕一首

張籍二首  
賈島

牛僧孺一首  
朱慶餘一首

王建一首  
杜牧七首

李商隱二十首  
溫庭筠十首

卷十六

七言律詩

許渾九首  
李遠二首

雍陶一首  
項斯一首

薛逢 四首

趙嘏 二首

司王圖 二首

李羣玉 三首

皮日休 一首

劉滄 一首

崔珣 一首

李頻 一首

李山甫 三首

李咸用 一首

方干 二首

來鵬 一首

高駢 一首

章碣 一首

崔塗 一首

李邕 三首

鄭谷

羅隱

崔峒

吳融

韓偓

韋莊

劉威

秦韜玉

曹唐

張蠟

譚用之

張似

士仁裕

沙彬

卷十七

五言長律

六宗皇帝 五首

楊炯 一首

盧照鄰 一首

駱賓王 三首

盧僎 一首

陳子昂 二首

杜審言 二首

沈佺期 二首

宋之問 四首

蘇頌 四首

張說 三首

張九齡 四首

張子容 一首

鄭愔 一首

宋璟 一首

徐堅 一首

常理 一首

王維 十首

孟浩然 一首

高適 二首

李頎 一首

岑參 四首

相詠 一首

張謂 一首

李白 五首

杜甫 十九首

張巡 一首

王季友 一首

李華 一首

卷十八

五言長律

劉長卿 八首

錢起 四首

皇甫冉 二首

李嘉祐 一首

韓翃 一首

盧綸 一首

韓滉 一首

冷朝陽 一首

于尹躬 一首

獨孤綏 一首

羅讓 一首

陸復禮 一首

王損之 一首

杜元穎 一首

李行敏 一首

李虞中 一首

沈亞之 一首

裴夷直 一首

劉得仁 一首

顧况 一首

殷寅 一首

陸贄 一首

白居易 二首

元稹 一首

徐嶽 一首

張繼 一首

武元衡 一首

裴度 二首

韓愈一首

柳宗元一首

賈島一首

李商隱六首

杜牧一首

公乘億一首

馬戴一首

張喬一首

杜荀鶴一首

焦郁一首

李景一首

梁鉉一首

黃滔一首

徐夔一首

濮陽權一首

無名氏一首

無名氏

卷十九

五言絕句

文宗皇帝一首

虞世南一首

王勃一首

盧照鄰一首

韋承慶一首

宋之問二首

張說一首

蘇頲二首

張九齡二首

王適一首

盧 僎 一首

崔國輔 二首

崔 曙 一首

崔 顯 二首

儲光羲 一首

王 維 十六首

孟浩然 一首

祖 詠 一首

王昌齡 二首

高 適 一首

岑 參 三首

王之涣 二首

薛奇童 一首

邱 爲 一首

李 華 一首

李 白 五首

杜 甫 三首

劉長卿 三首

錢 起 二首

韋應物 四首

劉方平 三首

暢 當 一首

耿 漳 一首

顧 況 一首

盧 綸 三首

李 端 三首

皇甫曾 二首

司空曙 二首

金昌緒 一首

李 益 一首

柳 琰 一首

戴叔倫 一首



嚴維一首

朱放一首

權德輿一首

柳宗元一首

劉禹錫三首

孟郊一首

賈島一首

王建二首

王涯四首

張仲素一首

李賀一首

張枯一首

令狐楚一首

楊凝一首

施肩吾二首

秦陶一首

杜牧一首

李商隱二首

許渾一首

于武陵一首

趙嘏一首

崔道融一首

沈如筠一首

雍裕之一首

荆叔一首

王韞秀一首

僖宗宮人韓氏一首  
張文姬二首

安邑坊女子一首  
七歲女子一首

劉采春三首

薛濤一首

西鄙人一首

太上隱者一首

七言絕

王勃一首

杜審言二首

張說一首

張敬忠一首

王翰一首

王維四首

孟浩然一首

王之渙一首

常建二首

高適三首

岑參九首

賈至三首

賀知章二首

王昌齡十一首

張謂一首

張旭一首

卷二十

七言絕句

李白二十首

杜甫三首

嚴武一首

孟云卿一首

劉長卿四首

錢起三首

韋應物四首

張潮一首

五言古詩別集

言言詩集

韓翃三首

皇甫冉二首

司空曙二首

于鵠一首

李涉一首

李益八首

竇牟一首

張繼二首

戴叔倫一首

顧況二首

權德輿一首

武元衡一首

韓愈一首

柳宗元四首

劉禹錫六首

張籍二首

王建二首

賈島一首

白居易六首

元稹二首

李賀二首

陳羽一首

柳淡一首

呂溫一首

李德裕一首

令狐楚一首

張仲素五首

施肩吾二首

王涯一首

羊士諤一首

楊凝一首

張祜一首

言言詩集

卷之六

鮑溶一首  
杜牧九首

李商隱十首  
温庭筠三首

許渾一首  
雍陶二首

趙嘏一首  
陸龜蒙二首

鄭谷二首  
杜荀鶴一首

高駢一首  
羅隱二首

李洞二首  
高蟾一首

盧弼一首  
陳陶一首

重訂唐詩別裁集卷一

長洲沈德潛歸愚選

五言古詩

魏徵字元成，鉅鹿人。初事隱太子，後封鄭國公。諡文貞。

述懷樂府作

中原還逐鹿，投筆事戎軒。縱橫計不就，慷慨志猶存。杖策謁天子，驅馬出關門。請纓

重訂唐詩別裁集卷一



繫帶越憑弒下東藩。鬱紆陟高岫。出沒望平原。左木鳴寒鳥。空山啼夜猿。既傷千里日。還驚九折魂。豈不憚艱險。深懷國士恩。季布無二誥。侯嬴重一言。人生感意氣。功名誰復論。  
此奉使出關而作也。國士句是生意。氣骨高古。變從前纖靡之習。盛唐風格發源于此。

虞世南

字伯施。餘姚人為秦府參軍。貞觀中累遷祕書監。封永興縣子。太宗稱其五絕：德行、忠直、博學、文辭、書幹也。卒諡文懿。

從軍行

塗山烽候警。弭節度龍城。冀馬樓蘭將。燕  
犀上谷兵。劍寒花不落。弓曉月逾明。凜凜  
嚴霜節。氷壯黃河絕。蔽日卷征蓬。浮天散  
飛雪。全兵值月滿。精騎乘膠折。結髮早駢  
馳。辛苦事旌麾。馬凍重關冷。輪摧九折危。  
獨有西山將。年年屬數奇。  
猶存陳隋體格。追琢精警。灑開

唐風

章懷太子

高宗子名賢高宗初立忠為太子武后生弘因廢忠

而立焉弘殺忤旨后醉之而立賢

后欲專政妓賢明察賢自度不免

因作黃臺瓜辭冀成

后也後終過令自殺

黃臺瓜辭

種瓜黃臺下。瓜熟子離離。一摘使瓜好。再

摘令瓜稀。三摘尚自可。摘絕抱蔓歸。

喬知之

同州人官左司郎中以婢窮

珠篇寄婢七段并死承

羅見詩固羅羅殺之

苦寒行

胡天夜清迥。孤雲獨飄揚。搖曳出鴈關。透

迤含晶光。陰陵夕徘徊。幽都無多陽。初寒

凍豆海。殺氣流大荒。朔馬飲寒水。行子履

胡霜。路有從役倦。臥死黃沙場。羈旅因相

依。慟之淚沾裳。由來從軍行。賞存不賞亡。

亡者誠已矣。徒令存者傷。

幽州無多陽即

本也通體亦為用兵者成

陳子昂

字伯玉射洪人文明初舉進士武后擢左拾遺聖歷初解

官歸縣令段簡以宿怨因事被繫獄中憂憤死。追建安之風。齊梁之綺靡寄與无端別有天地。昌黎為士詩云國朝盛文章子昂始高蹈良然

感遇詩十五首

本三十首今存十五。感於心因於

遇猶莊子之寓言也與感知遇意自別

蘭若

即杜若

生春夏。芊蔚何青青。幽獨空林

色。朱紫。冠。遲。遲。白日。晚。嫋。嫋。秋。風。生。

歲華盡搖落。芳意竟何成。

白日每不歸。青陽時暮矣。茫茫吾何思。林

臥觀無始。眾芳委時晦。鷓鴣鳴悲耳。鴻荒

古已頽。誰識巢居子。

林居病時久。水木澹孤清。閉臥觀物化。悠

然念無生。青春始萌達。朱火已滿盈。徂落

方自此。感歎何時平。

旋盡能無感歎耶

有生必化不如無生也况春夏交遷凋落

逶迤世已久。骨鯁道斯窮。豈無感激者。時俗頹此風。灌園何其鄙。皎皎於陵中。世道不相容。嗟嗟張長公。

玄蟬號白露。茲歲已蹉跎。羣物從大化。孤

英將奈何。瑤臺有青鳥。遠食玉山禾。崑崙

見玄鳳。豈復虞雲羅。人生天地中。不能不隨時。變遷或遊仙。庶

幾可免也。此無可奈何之辭。

可憐瑤臺樹。灼灼佳人姿。碧華映朱實。冬

拆青春時。豈不盛光寵。榮君白玉墀。但恨

紅芳歇。凋傷感所思。

深居觀元化。恢然爭朵頤。羣動相啖食。利

害紛嗷嗷。便便夸毗子。榮輝更相持。務光

讓天下。商賈競刀錐。已矣行採芝。萬世同

一時。以言羣動紛爭。互相啖食。不加採芝。深山之為樂也。多得與便便者爭刀

錐之未平

本為貴公子。平生實愛才。感時思報國。拔



劍起蒿萊西馳丁零塞北上單于臺登山見千里懷古心悠哉難言未忘既磨滅成塵埃。

吾觀龍變化乃是至陽精石林何冥密幽洞無留行古之得仙道信與元化并玄感非象識誰能測沈演世人拘目鬼酣酒笑丹經崑崙有瑤樹安得采其英。

吾愛鬼谷子青溪無垢氣囊括經世道遺

身在白雲七雄方龍鬪天下亂無君浮榮

不足貴遵養晦時文舒之彌宇宙卷之不

盈分豈徒山木壽空與麋鹿羣。言隱居而抱經世之

道以世亂不可為故卷而懷之非與麋鹿同羣者等也

翡翠巢南海雄雌珠樹林何知美人意驕

愛比黃金殺身炎洲裏委羽玉堂陰旖旎

光首飾歲蕤爛錦衾豈不在遐遠虞羅忽

見尋多林信為累歎息此珍禽。此見多才為累也

朝發宜都渚。浩然思故鄉。故鄉不可見。路  
隔巫山陽。巫山彩雲沒。高邱正微茫。佇立  
望已久。涕淚沾衣裳。豈茲越鄉感。懷昔楚  
襄王。朝雲無處所。荆國亦淪亡。豈茲越鄉感句從上

轉下見荒淫足以亡國為世戒也

竭來豪遊子。勢利禍之門。如何薄膏歎。感

激自生冤。眾趨明此老氏之學時。棄道猶存。雲泉

已失。羅網與誰論。箕山有舊館。湘水有

清源。唯應白鷗鳥。可與洗心言。

聖人不利己。憂濟在元元。黃屋非堯意。瑤

臺安可論。吾聞西方化。清淨道彌敦。奈何

窮金玉。雕刻以為尊。雲構山林盡。瑤圖珠

翠傾。鬼功尚未可。人力安能存。今愚適增

累。矜智道逾昏。聖人有天下而不與故阜

為祿滅為宗奈何象教既設徒取土木雕刻以為尊取

幽居觀大運。悠悠念羣生。終古代興沒。豪

聖莫能爭。三季淪周。七雄滅秦。嬴復開

赤精子。提劍入咸京。炎光既無象。晉虜復

縱橫。堯禹道已昧。昏虐勢方行。豈無當世

雄。天道與胡兵。咄咄安可言。時醉而未醒。

仲尼溺東夏。伯陽遁西溟。大通自古來。旅

人胡歎哉。天道如斯。孔子老氏亦惟居夷。

既籍詠懷。後人每章注釋。失之于鑿。讀

鑿求

燕昭王

相登碣石館。遙望黃金臺。邱陵盡喬木。昭

王安在哉。霸圖悵已矣。驅馬復歸來。言外

人延匿士也

燕太子

秦王曰無道。太子怨亦深。一聞田光義。七

首贈千金。其事雖不立。千載為傷心。

西極上人夜山有亭有贈

皎皎白休秋。微翠山靜禪。居感時變。獨坐開軒屏。風泉夜聲雜。月露宵光冷。多謝忘機人。塵憂未能整。

送客

故人洞庭去。楊柳春風生。相送河洲晚。蒼茫別思盈。白蘋已堪把。綠芷復含榮。江南多桂樹。歸客贈生平。言白蘋綠芷亦可采以贈人而桂有堅貞之性故欲折以相遺也

宋之問

字延清。知廣人。武后時。出為揚州。分首內。發預。寫三。歌。作。兵。上。州。張。仲。之。家。施。於。仲。之。或。王。同。步。謀。殺。武。三。思。事。得。復。官。中。宗。增。置。修。文。館。學。士。之。簡。首。膺。其。選。睿。宗。立。以。易。之。三。思。當。徒。飲。州。先。天。中。賜。死。不。以。人。空。言。故。薄。其。行。而。仍。錄。其。詩。

題老松樹

歲晚東巖下。周顛何悽惻。日落西山陰。眾草起寒色。中有喬松樹。使我長歎息。百尺

無寸枝。一生自孤直。

別之望後獨宿藍田山莊

脊令有舊曲。調苦不成歌。自歎兄弟少。常嗟離別多。爾尋北京路。予臥南山阿。泉晚更幽咽。雲秋尚嵯峨。葉閉聽蟬噪。書幌見禽過。愁至願甘寢。其如鄉夢何。

見南山夕陽召監師不至

夕陽黯黯暮山昏。互明成此中。意無恨。要

與開士說徒。蔡仲舉。思詎迴。道林轍。孤興欲待誰。待此湖上月。

薛

稷

字嗣通。蒲州人。舉進士。武后時為鳳閣舍人。睿宗即位後。以是贊功。封晉國公。加少保。紀事云。西師。立本書師。褚河南與從兄曜俱以文幹得名。

秋日還京陝西十里作

驅車越陝郊。北顧臨大河。隔河見鄉邑。秋風水增波。西登咸陽塗。日暮憂思多。傳巖

既紆鬱首山亦嗟我操業無昔老採薇有

遺歌客遊既迴換人生知幾何高潭超請

少陵云少保有古風得之賦如篇見重於括匠不偶也

張九齡字子壽韶州曲江人登進士

第明皇在東宮舉天下文章之士九齡對策高第開元中累官

至平章事比宋後賢相也望引周子諒左遷遂相李林甫牛仙客而

國事日壞矣九齡請拜稟歸不諡之諫曰唐初五言古漸造於律風

格未適陳正字起衰而詩品始正

張曲江繼續

雜詩二首

孤桐亦胡為百尺傍無枝疎陰不自覆修

幹欲何施高岡地復洵弱植風屢吹凡鳥

已相噪鳳凰安得知喻小人在朝而君子應善燕也

良辰不可遇心賞更蹉跎終日塊然坐有

時勞者歌庭前攬芳蕙江上託微波路遠

無能達憂情空復多欲以精誠達君而無路可通也二章皆此

體

感遇九首

感遇詩正字古與曲江  
編籍本原同出嗣宗而

精神面目各  
別所以千古

蘭葉春葳蕤。桂華秋皎潔。欣欣似生意。自  
爾為佳節。誰知林棲者。聞風坐相悅。草木  
有本心。何求美人折。草木有本心何求美  
人折想見君子立品  
即昌黎不采而  
佩於蘭何傷意  
幽林歸獨臥。滯慮洗孤清。持此謝高鳥。因  
之傳遠情。日昔懷空意。人誰感至精。飛沈

理自曷何所慰吾誠

與前雜詩第二首意  
同託言見思君之詩  
也

魚遊樂深池。鳥棲欲高枝。嗟爾蜉蝣輩。薨  
薨亦何為。有生豈不化。所感奚若斯。神理  
日微滅。吾心安得知。浩歎揚朱子。徒然泣  
路岐

孤鴻海上來。池潢不敢顧。側見雙翠鳥。巢  
在三珠樹。矯矯珍木巔。得無金丸懼美服。

患人指高明通神惡今我游冥冥弋者何

所慕鳥飛冥冥弋人何慕本揚子語

吳越數千里夢寐今夕見形骸非我親余

枕即鄉縣化蝶猶不識川魚安可羨海上

有仙山歸期覺神變

西日下山隱北風乘夕流燕雀感昏旦簷

楹呼匹儔鴻鵠雖自遠哀音非所求貴人

棄疵賤下士嘗殷憂衆情亦外物怨已忘

內修感歎長如此使我心悠悠

江南有丹橘經冬猶綠林豈伊地氣暖自

有歲寒心可以薦嘉客奈何阻重深運命

惟所遇循環不可尋徒言樹桃李此木豈

無陰衆人不知徒取目前之色足以悅人而已

抱影吟中夜誰聞此歎息美人適異方庭

樹含幽色白雲愁不見滄海飛無翼鳳凰

一朝來竹花斯可食



漢上有游女求思安可得袖中一書札欲

寄雙飛翼冥冥愁不見耿耿徒緘憶紫蘭

秀空蹊皓露奪幽色馨香歲欲晚感歎情

何極白雲在南山日暮長太息言欲就白雲歸歟

又不能愬然於君所以長太息也首句游女指君猶楚辭思美人意

奉和聖製幸晉陽宮

隋季失天策萬方罹凶殘皇祖稱義旗三

靈皆獲安聖朝將甲錫王業成歎歎盜移

未改命歷在終履端彼汾惟帝鄉雄都信

鬱盤三月朔巡狩羣后陪清鑿霸跡在滌

庭舊儀觀漢官唐風思何深舜典敷更寬

戶蒙粉榆復邑爭牛酒歡緬惜翦商後豈

歛微禹歎三后既在天萬年斯不刊尊祖

實我皇天文皆仰觀

登荊州城望江

滔滔大江水天地相終始經閱幾世人涉

歎誰家子。東望何悠悠。西來晝夜流。歲月既如此。為心那不愁。典大江流日夜同感

叙懷

弱歲讀羣史。執節追古人。被褐有懷玉。佩印從負薪。志合豈兄弟。道行無賤貧。孤根亦何賴。感激此為鄰。言志同不妨道路各異道行負賤亦樂也

崔

顯 汴州人開元進士官司勳負外郎。殷璠云顯少年為詩

屬情浮艷晚節忽衰

古游俠呈軍中諸將

少年負膽氣。好勇復知機。仗劍出門去。孤城逢合圍。殺人遼水上。走馬漁陽歸。錯落金鎖甲。蒙茸貂鼠衣。還家且行獵。弓矢速如飛。地迥鷹犬疾。草深狐兔肥。嘗聞帶雨綬。轉盼生光輝。顧謂今日戰。何如隨建威。

以弁為建威將軍

王

維 字摩訶河東人開元九年罷進士第一官給事中陷兩都

為賊所得服藥作瘡賊平定罪以  
歲碧池詩聞於行在特宥之官至  
尚書右丞殷璠云維詩三調秀雅  
意新理愜在泉成珠著鮮成繪一  
句一字皆出常地○意太深氣太  
渾色太濃詩家一病故曰穆如清  
風右丞詩每從  
不著力變得之

贈劉藍田

籬中犬迎吠出屋候柴扉歲晏輸井稅山  
村人夜歸晚田始家食餘布成我衣詎肯  
無公事煩君問是非

春夜竹亭贈錢少府歸藍田

不靜羣動息時聞隔林犬却憶山中時人  
家澗西遠羨君明發去采蕨輕軒冕五言  
用長

易所短難右  
丞工於用短

贈張五弟諲

吾弟東山時心尚一何遠日高猶自臥鐘  
動始能飯領上髮未梳牀頭書不卷清川  
興悠悠空林對偃蹇青苔石上淨細草松

下軟窗外鳥聲闕。階前虎心善。徒然萬象  
多。澹爾太虛緬。一知與物平。自顧為人淺。  
對君忽自得。浮念不煩遣。

藍田山石門精舍

落日山水好。漾舟信歸風。玩竒不覺遠。因  
以緣源窮。逕愛雲木秀。初疑谿路不同安。知  
清流轉。偶與前山通。捨舟理輕策。果然慙  
所適。老僧四五人。逍遙蔭松柏。朝梵林未  
曙。夜禪山更寂。道心及牧童。世事問樵客。  
暝宿長林下。焚香臥瑤席。澗芳襲人衣。山  
月映石鐸。再尋畏迷誤。明發更登歷。笑謝  
樵源人。花紅復來覲。

青溪

言入黃花川。每逐青溪水。隨山將萬轉。趣  
途無百里。聲喧亂石中。色靜深松裏。漾漾  
汎菱荇。澄澄映葭葦。我心素已閒。清川澹

如此請留盤石上垂釣將已矣

渭川田家

斜光照墟落窮巷牛羊歸野老念牧童倚  
杖候荆扉雉鳴麥苗秀蠶眠桑葉稀田夫  
荷鋤至相見語依依即此羨閑逸悵然吟  
式微吟式微言欲歸也無感傷世衰意

春中田園作

屋上春鳩鳴村邊杏花白持斧伐遠揚荷

鋤規泉脈歸燕識故巢舊人看新歷臨觴  
忽不御惆悵遠行客

謁璿上人并序

上人外人內天不定不亂捨法而淵  
泊無心而雲動色空無礙不物物也  
嘿語無際不言言也故吾徒得神交  
焉玄關大啟德海羣泳時雨旣降春  
物具美序於詩者人百其言

少年不足言。識道年已長。事往安可悔。餘  
生幸能養。誓從斷臂血。不獲嬰世網。浮名  
寄纓珮。空性無羈鞅。夙從大導師。焚香此  
瞻仰。頽然居一室。覆載紛萬象。高柳早鶯  
啼。長廊春雨響。牀下阮家屐。窓前筇竹杖。  
方將見身雲。陋彼示天壤。一心在法要。願  
以無生獎。

飯覆金山僧

晚知清淨理。日與人羣疎。將候遠山僧。先  
期掃做廬。果從雲峯裏。領我蓬蒿居。藉草  
飯松屑。焚香看道書。然燈晝欲盡。鳴磬夜  
方初。一悟寂為樂。此生閑有餘。思歸何必  
深。身世猶空虛。

送宇文太守赴宣城

遼落雲外山。迢遙舟中賞。鏡吹發西江。秋  
空多清響。地迥古城蕪。月明寒朝廣。時賽

敬亭神復解罟師網何處寄相思。南風搖  
五兩。

送別

下馬飲君酒問君何所之君言不得意歸

臥南山睡但去莫復問白雲無盡時

白雲無盡

足以自樂勿言不得意也

齊州送祖二

相逢方一笑相送還成泣祖帳已傷離荒

城復愁入天寒遠山淨日暮長河急解纜

君已遙望君猶佇立

著此二語下望君句愈覺黯然

送綦毋潛落第還鄉

聖代無隱者英靈盡來歸遂今東山客不

得顧採薇既至金門遠孰云吾道非江淮

渡寒食京洛逢春衣置酒長安道同心與

我違行當浮桂棹未幾拂荆扉遠樹帶行

客孤城當落暉吾謀適不用勿謂知音稀

反復曲折使落  
第人絕無怨尤

觀別者

青青楊柳陌陌上別離人  
愛子遊燕趙高堂有老親  
不行無可養行去百憂新  
切切委兄弟依依向四鄰  
都門帳飲畢役此謝親賓  
揮淚逐前侶含悽動征輪  
車徒望不見時見起行塵  
余亦辭家久看之淚滿巾

只寫別者之情觀字  
只未二句一照白足

別弟縉後登青龍寺望藍田山

陌上新別離蒼茫四郊晦  
登山不見君故山復雲外  
遠樹蔽行人長天隱秋塞  
心悲宦遊子何處飛征蓋

新晴晚望

新晴原野曠極目無氛垢  
郭門臨渡頭村樹連溪口  
白水明田外碧峰出山後  
農月無闕人傾家事南畝



早入滎陽界

汎舟入滎澤。茲邑乃雄藩。河曲閭閻隘。川  
中煙火繁。因人見風俗。入境聞方言。秋晚  
田疇盛。朝光市井喧。漁商波上客。雞犬岸  
傍村。前路白雲外。孤帆安可論。

宿鄭州

朝與周人辭。暮投鄭人宿。他鄉絕儔侶。孤  
客親僮僕。宛洛望不見。秋霖晦平陸。田父

草際歸。村童雨中牧。主人東臬上。時稼遠

茹。屋蟲思機杼。悲雀喧禾黍。熟明當渡京

水。昨晚猶金谷。此去欲何言。窮遠狗微祿

孤客親僮僕。雀喧禾黍熟。此  
一等句子。後人行之。可成數言。

奉寄韋太守陟

荒城自蕭索。萬里山河空。天高秋日迥。寮  
唳聞歸鴻。寒塘映衰草。高館落疎桐。臨此  
歲方晏。顧景問悲翁。故人不可見。窈窕平

林東

偶然作二首

楚國有狂夫，茫然無心想。散髮不冠帶，行

歌南陌上。孔子與之言，仁義莫能獎。未嘗

肯問天，何事須擊壤。復笑採薇人，胡為乃

長往。

田舍有老翁，垂白衡門裏。有時農事閒，斗

酒呼鄰里。喧聒如簷下，或坐或復起。短褐

不為薄，園葵固足美。勤則長子孫，不曾向

城市五帝與三王。古來稱天子，干戈將何

讓女畢竟何者，是得意荷為樂。野田安足鄙

且當放懷去，行行沒餘齒。

西施詠

艷色天下重，西施寧久微。朝為越溪女，暮

作吳宮妃。賤日豈殊眾，貴來方悟稀。邀人

傅脂粉，不自著羅衣。君寵益嬌態，君憐無

是非當時浣紗伴。莫得同車歸。持謝鄰家子。效顰安可希。  
寫盡炎涼人眼界。不為題縛。乃臻斯詣。八後人手。欲

引故實而已

### 哭殷遥

人生能幾何。畢竟歸無形。念君等為死。萬事傷人情。慈母未及葬。一女纔十齡。泱泱寒郊外。蕭條聞哭聲。浮雲為蒼茫。飛鳥不能鳴。行人何寂寞。白日自凄清。憶昔君在

時。問我學無生。勸君苦不早。令君無所成。故人各有贈。又不及平生。負爾非一途。痛哭返柴荆。

### 哭返柴荆

#### 孟浩然

本名浩。字浩然。以字行。襄陽人。張九齡為荊州辟。置於府。無遇合。以布衣終。王維過。郢州。回浩然。像子。刺史亭。名浩然亭。鄭誠更署曰孟亭。襄陽詩。從靜悟得之。故語淡而味終不薄。此詩品也。然比右丞之渾厚。尚非魯簡。

宿來公山房。期丁大不至。

夕陽度西嶺。羣壑修已冥。松月生夜涼。風泉滿清聽。樵人歸欲盡。煙鳥棲初定。之子期宿來。孤琴候蘿徑。山水清音悠然自遠。末二句見不至意。

秋登萬山寄張五

北山白雲裏。隱者自怡悅。相望始登高。心隨鴈飛滅。愁因薄暮起。興是清秋發。時見歸村人。平沙渡頭歇。天邊樹蒼蒼。江畔洲如月。何當載酒來。共醉重陽節。

南陽北阻雪

我行滯宛許。日夕望京豫。曠野莽茫茫。鄉山在何處。孤煙村際起。歸鴈天邊去。積雪覆平皋。飢鷹捉寒兔。少年弄文墨。屬意在章句。十上耻還家。徘徊守歸路。

適越留別譙縣張主簿申屠少府

朝乘汴河流。夕次譙縣界。壺因西風吹。得與故人會。君學梅福隱。早吏隱余隨伯鸞邁。別後

能相思。浮雲在吳會。

送從弟邕下第後歸會稽

疾風吹征帆。倏爾向空沒。千里去俄頃。三

江坐超忽。向來共歡娛。日夕成楚越。落羽

更今飛。誰能不驚骨。

夏日南亭懷辛大

山光忽西落。池月漸東上。散髮乘夜涼。開

軒臥閒敞。荷風送香氣。竹露滴清響。欲取

鳴琴彈。恨無知音賞。感此懷故人。中宵勞

夢想。荷風竹露佳景亦佳句也外又有微雲淡河漢疎雨滴梧桐句一時歎為

清絕

萬山潭

垂釣坐磐石。水清心益閒。魚行潭樹下。猿

挂島藤間。游女昔解佩。傳聞於此山。求之

不可得。沿月棹歌還。不必刻深風骨自異

宿楊子津寄潤州長山劉隱士

所思在夢寐。欲往大江深。日夕望京口。煙波愁我心。心馳茆山洞。目極楓樹林。不見少微隱。星霜勞夜吟。

晚泊潯陽望香爐峯

別本亦作律詩然終是古格

挂席幾千里。名山都未逢。泊舟潯陽郭。始見香爐峯。嘗讀遠公傳。永懷塵外蹤。東林精舍近。日暮空聞鐘。此天籟也。已近遠公精舍。而但聞鐘聲。寫

望字意悠然神遠

採樵作

採樵入深山。山深水重疊。橋崩臥杳擁。路險垂藤接。日落伴將稀。山風拂薜衣。長歌負輕策。平野望煙歸。橋崩十字寫出奇險之狀

劉昏虛

昏虛江東、夏縣令與賀知章包融張旭為夫中四友

暮秋楊子江寄孟浩然

木葉紛紛下。東南日煙霜。林山相晚暮。天海空青蒼。暝色况復久。秋聲亦何長。孤舟

魚微月獨夜仍越鄉寒笛對京口故人在

襄陽詠思勞今夕江漢遙相望前寫暮秋江景寄浩

然意于末四語一點無限深情

寄閻防

青冥南山口君與緇錫鄰深路入古寺亂

花隨暮春紛紛對窸窣往往落衣巾松色

照空水經聲時有人晚心復南望山遠情

獨親應以修往業亦惟立此身深林度空

夜煙月資清真莫歎文明日弥年徒隱淪

時防在終南豐德寺讀書故詩中所云皆山寺中景煙月資清真言性本清真而烟月又資之也清絕高絕

王昌齡字少伯江寧人第進士又中宏詞科官汜水尉以不矜細行

龍標尉

塞上曲二首

蟬鳴桑樹間八月蕭關道出塞入塞寒處

處黃蘆草從來幽并客皆共沙塵老莫學

遊俠兒矜誇紫騮好  
飲馬渡秋水。水寒風似刀。平沙日未沒。黯黯見臨洮。昔日長城戰。威言意氣高。黃塵足今古。白骨亂蓬蒿。

失題

奸雄乃得志。遂使羣心搖。赤風蕩中原。烈火無遺巢。一人計不用。萬里空蕭條。豈指張曲

江欲誅安祿山事耶

少年行

西陵俠少年。送客短長亭。青槐夾兩道。白馬如流星。聞有羽書急。單于寇井陘。氣高輕赴難。誰顧燕山銘。少伯塞上詩多能傳出義勇

秋興

日暮西北堂。涼風洗修竹。著書在南窓。門館常肅肅。苔草延古意。視聽轉幽獨。或問余所營。刈黍就寒谷。



聽彈風入松闕贈楊補闕

商風入我絃。夜竹深有露。絃悲與林瑟。清  
景不可更。夏落幽居。七聽聽青松樹。松風  
吹草白。溪水寒。日暮聲意去。復還九變待  
一顧。空山多雨雪。獨立君始悟。然外之音  
味外之有  
可想不  
可說

同從弟銷南齋翫月憶山陰崔少府

高臥南齋時。開帷月初吐。清輝淡水木。演  
漾在窓戶。冉冉幾盈虛。澄澄變今古。美人  
清江畔。是夜越吟苦。千里其何如。微風吹  
蘭杜。高入對月時每有  
盈虛古今之感

江上聞笛

橫笛怨江月。扁舟何處尋。聲長楚山外。曲  
繞胡關深。相去萬餘里。遙傳此夜心。寥寥  
浦淑寒。響盡唯空林。不知誰家子。復奏邯鄲

鄆音。水客皆擁棹。空霜遂盈襟。羸馬望北走。遷人悲越吟。何當邊草白。旌節隴城陰。

儲光羲

光羲袁州人。開元進士官太祝。轉監察御史。受安祿山偽官。賊平後。貶死。太祝詩學陶而得其真樸。與王右丞分道揚鑣。

樵父詞

山北饒朽木。山南多枯枝。枯枝作採薪。爨

室私自知。詰朝厲斧聲。視暮行歌歸。先雪

思。薜荔迎暄臥。茅茨清澗日。濯足喬林時。

曝衣終年登險阻。不復憂安危。蕩漾與神

遊。莫知是與非。山中之險阻。異世途之險阻也。故登而不危。

牧童詞

不言牧田遠。不道牧陂深。所念牛馴擾。不

亂牧童心。圓笠覆我首。長蓑披我襟。方將

息暑雨。亦以懼寒陰。大牛隱層坂。小牛穿

近林。同類相鼓舞。觸物成謳吟。取樂須臾

開寧問聲與音與無羊之詩同提言牧童世情歸于志機也

### 釣魚灣

垂釣綠灣春春深杏花亂潭清疑水淺荷動知魚散日暮待情人維舟綠楊岸待情人候

同志也見釣者意不在魚

### 題太玄觀

門外車馬喧門裏宮殿清行即翳若木坐即吹玉笙所喧既非我真道其冥冥蕭蕭

無游仙凡語

### 笑茗粥作

當晝暑氣盛鳥雀靜不飛念君高梧陰復解山中衣數片遠雲度曾不蔽炎暉淹留膳茶粥共我飯蕨薇敞廬既不遠日暮徐徐歸

### 使過彈箏峽作

鳥雀知天雪羣飛復羣鳴原田無餘粟日

暮滿空城。達士憂世務。鄙夫念王程。晨過  
彈箏峽。馬足凌兢行。雙壁隱靈曜。莫能知  
晦明。皚皚堅水白。漫漫陰雲平。始信古人  
言。苦節不可貞。

田家即事

蒲葉日已長。杏花日以滋。老農要看此。貴  
不違天時。迎晨起飯牛。雙駕耕東畝。蚯蚓  
王中出。田鳥隨我飛。羣合亂啄噪。嗷嗷如

道。飢我心多慚。隱顧此兩傷。悲撥食與田  
鳥。日暮空筐歸。親戚更相誚。我心終不移。

愛物之心勝于愛已  
田父中不易有此人

田家雜興四首

春至鷓鴣鳴。薄言向田野。不能自力作。電  
勉娶鄰女。既念生子孫。方思廣田園。閒時  
相顧笑。喜悅好禾黍。夜夜登隳臺。南望洞  
庭渚。百草被霜露。秋山響砧杵。却羨故年

卷一  
三

時中情無所取所羨者故年之收獲不必別有所取也

衆人恥貧賤相與尚膏腴我情既浩蕩所

樂在畋漁山澤時晦冥歸家暫閒居滿園

種葵藿統屋樹桑榆禽雀知我閒翔集依

我廬所願在優游州縣莫相呼日與南山

老兀然傾一壺

負士養情性不復知憂樂去家行賣畚留

滯南陽郭秋至黍苗黃無人可刈獲孺子

朝未飯把竿逐魚雀忽見梁將軍乘車出

郊洛意氣軼道路光輝滿墟落安知負薪

者啞啞笑輕薄

楚山有高士梁國有遺老築室既相鄰同

田復同道糗糗常共飯兒孫每更抱忘此

耕耨荒○是○極○和○且○安○分○語勞愧被風雨好蟪蛄鳥空澤題鴉傷

秋草日夕寒風來衣裳苦不早既念生子孫方思廣

因園煖精常共飯兒孫每更抱此種真樸古丞田家詩中未能道著

陶翰  
翰潤州人開元中為禮部員外郎。殷璠評翰詩云既多與象復極風骨三百年以前方可論其體裁。

出蕭關懷古

驅馬擊長劔行復至蕭關悠悠五原上永  
馳閔河前北虜三十萬此中常控弦秦城  
亘宇宙漢帝理旌旆刁斗鳴不息羽書日  
夜傳五軍計莫就三策議空全大漠橫萬  
里蕭條絕人煙孤城常瀚海落日照祁連

愴然古寒秦懷哉式微篇更悲秦摸月夜

夜出胡天武帝起元光二年韓安國為護軍將軍李廣為驍騎將軍公孫

賀為輕騎將軍王恢為將屯將軍李息為材官將軍屯馬邑谷中單于覺之走出故曰計莫就。嚴尤曰匈奴為害周秦漢未有得上策者也周得中策漢得下策秦無策焉。雖屬對偶尚有氣骨。

宿天竺寺

松柏亂巖口山西微徑通天開一峯見宮  
闕生虛空止殿倚霞壁千樓標石叢夜來

重訂唐詩別裁

猿鳥靜鐘梵寒雲中  
 岑翠映湖月泉聲亂  
 溪風心超諸境外  
 了與懸解同明發氣候  
 改起視長崖東  
 湖色濃蕩漾海光漸曠曠  
 葛仙跡尚在許氏道  
 猶崇獨往古來事  
 幽期懷二公

邱

為為嘉興人官名庶子年八十  
 餘母尚無恙給祿之半以施

異

題黃廬舍

東風何時至  
 上綠湖上山  
 湖上春既早  
 田家日不閒  
 溝塍流水處  
 耒耜平蕪間  
 薄暮飯半罷  
 歸來還閉關

山行尋隱者不遇

絕嶺一筇筴  
 直上三十里  
 扣關無僮僕  
 窺室唯盈几  
 既非巾柴車  
 應是釣秋水  
 蹉跎不相見  
 黽勉空仰止  
 草色新雨中  
 松聲晚意裏  
 雖無賓主意  
 頗得清靜理  
 興盡方下

山何必見之子

李

頊頊東川人開元中  
進士官新御尉

寄鏡湖朱處士

激霧晚流澗微風吹綠蘋  
鱗鱗遠峰見淡  
淡平湖春荒草日堪把  
白雲心所親何時  
可為樂夢裏東山人

送暨道還玉清觀

仙官有名籍度世吳江濱  
大道本無我青

壽長與君中洲俄已到  
至理得而聞明主  
降黃屋時人看白雲空  
山何窈窕三秀日  
氛氳遂此留書客  
迢遙煙駕分大道二語  
渾然元化

題綦母校書所居

常稱挂冠吏昨日歸滄洲  
行客暮帆遠主人庭樹秋  
豈伊問天命但欲為山遊  
萬物我何有白雲空身幽  
蕭條江海上日夕見丹邱  
生事本漁釣賞心隨去留  
惜哉曠微



月欲濟無輕舟倏忽令人老相思河水流

登首陽山謁夷齊廟

古人已不見喬木竟誰過寔莫首陽山白  
雲空復多蒼苔歸地骨皓首採薇歌畢命  
無怨色成仁其若何我來八遺廟時候微  
清和落日弔山鬼回風吹女蘿石門正西  
豁引領望黃河千里一飛鳥孤光東逝旋  
驅車肩城路惆悵此巖阿謁夷齊廟阿客復下讀詔即泣

炎著筆風骨最高

東京寄萬楚

白謂獲落久無用隱身甘采薇仍聞海宦者還指萬楚  
事田家衣潁水日夜流故人相見稀春山  
不可望黃鳥東南飛崔足豈長往一尊脚  
可依了然潭上月適我胸中機在昔同門  
友如今出處非優游白霓殿偃息青瑣闈  
且有薦君表當看攜手歸寄書不待面闌

陸空芳菲後半言同門之友仕於朝者當薦君而出則不能復依蘭蕙空

見其芳非而已

賈

至

字幼鞠洛陽人濯明經第為單父尉明皇索蜀拜中書舍人知制誥撰肅宗册文命往奉册累封信都縣伯以散騎常侍卒謚

文曰

自蜀奉册命往朔方途中呈韋左

相文部房尚書門下崔侍郎

胡羯亂中夏鑿輿忽南巡衣冠陷戎寇狼

牙隨風墮幽公秉大節臨難不顧身激

白刃前濺血下沾巾尚書抱忠義歷險披

荆榛扈從出劔門登翼岷江濱時望挹侍

郎公才標縉紳亭亭崑山玉皎皎無淄磷

顧惟乏經濟扞牧陪從臣永願雪會稽仗

劔清咸秦太皇時內禪神器付前君新命

集舊邦至德被遠人奉內神册文捧册自南服往朔奉詔趨

北單覲謁心載馳違離難重陳策馬出蜀

山畏途上緣雲飲啄叢篁間棲息虎豹羣  
崎嶇凌危棧喘慄驚心神峭壁士欽崇元大  
江下云云皇風扇入極異類懷深仁元兇  
誘黠虜肘腋生妖氛明王信英武威聲赫  
四鄰誓誦自朔九旗幟何續綏錢騎照白  
日旄頭拂秋旻將來蕩滄溟寧止蹴崑崙  
古來有乜難否泰常相因夏康躋禹跡代  
祖復漢勲千後各勤玉驅馳拱紫宸豈惟

呈身易在三人  
太公望生昔逢周文誰謂三傑才功業獨  
殊倫感此勉行邁無為歌苦辛。直叙時事  
煌煌大文

寓言

春草紛碧色佳人曠無期悠哉千里心欲  
采商山芝歎息良會晚如何桃李時懷君  
晴川上佇立夏雲滋。

常建 開元十五年准  
士官盱眙尉

塞上曲

翩翩雲中使。來問太原卒。百戰苦不歸。乃  
其苦甚而不可述  
頭怨秋月。塞雲隨陣落。寒日傍城沒。城下有  
有寡妻哀。哀哭枯骨。

昭君墓

漢宮豈不死。異域傷獨沒。萬里馱黃金。蛾  
眉為枯骨。迴車夜出塞。立馬背不發。共恨  
丹青人。墳上哭明月。

弔王將軍墓

嫫媧北伐時。深入強千里。戰餘落日黃。軍  
敗鼓聲死。嘗聞漢飛將。可奪單于壘。今與  
山。鬼鄰殘兵哭。逾水強于里謂過千里也  
蘭詩賞賜于百  
強可証。哭枯骨。哭明  
月哭逾水長于寫哭

宿王昌齡隱居

清溪深不測。隱處惟孤雲。松際露微月。清  
光猶為君。菊亭宿花影。藥院滋苔紋。余亦  
謝時去。西山鷺鶴羣。清巖之筆  
中有靈悟

江上琴興

江上調玉琴。一弦清。一心冷。冷七弦。遍萬  
 木。澄幽陰。能令江月白。又令江水深。始知  
 枯桐枝。可以徽黃金。言能使無情者俱有  
 情也。只寫琴理。不形  
 容琴聲。韻標江  
 上。聞笛詩亦然。

送李十一尉臨溪

冷冷花下。琴君鳴渡。江吟人際。一帆影。預  
 懸離別心。以言神仙尉。囚到瑤事。音回軫。

撫同調越溪碧林

潭州留別

賢達不相識。偶然交。已深宿。帆謁郡佐。悵  
 別依禪林。湘水流。入海。楚雲千里。望君  
 松杉夜。山月清。哀吟。

西山

一身為輕舟。落日西山際。當隨去帆影。凌  
 接長天勢。物象歸餘清。林壑分夕聲。亭

言言方表  
一  
三

碧流暗日入孤霞。繼洲渚遠陰映湖雲尚。

明霽林昏。楚色來岸遠。荆門閉。至夜轉清。

迴蕭蕭北風。厲沙過。鴈鷺泊宿處。蕭蕭敲圓。

月逗前浦。孤琴又。搖曳冷然夜。深。白露

沾人袂。步驟謝公。此夜泊西山之作。一

高適字達大滄州人。卒有道。利哥

行在近侍御史歷三西川節度使

代宗時封渤海侯。卒諡曰忠。有

唐詩人之達者。適一人而已。述

五十年詩每一篇皆長而

登隴

隴頭遠。行客隴上分。流水流水無盡期。行

人未云已。淺才通一命。孤兒適萬里。豈不

思故鄉。從來感知已。見淺才通一命句。應

掌書記時作感知

前中作

策馬白沙。復長驅。双塞坦。邊城何蕭條。日

日黃雲昏。一到征戍處。每愁胡馬。翻豈無

重丁重守。引

安邊書諸將已承恩。惆悵孫吳事。歸來獨

閉門。言諸將不知防邊。自有策無可陳也。

人言外思之可悟立言之休

岑參 南陽人。天寶中進士官至盜

使出為嘉州刺史。杜甫薦之。累遷侍

能作奇語尤長於邊塞

君住灋水壯我家。灋水西兩村。辨喬木五

里。聞鳴雞。飲酒溪雨過。彈琴山月低。徒聞

蔣生徑爾去。誰相憐。

至大梁封奇匡城主人

一。從棄魚釣。十載干明主。無由謁天階。却

欲歸滄浪。仲秋至東郡。遂見天雨霜。昨日

夢故山。蕙草色已黃。平明辭鐵師。薄暮遊大

梁。仲秋蕭條景。拔刺飛鷺鷁。四郊陰風閉

萬里無晶光。長風吹白苑。野火燒枯桑。故

人南燕更籍籍。名流芳。聊以玉壺贈。留之

君子堂長風吹白茅二語殷璠稱為逸才又馬走碎石中四蹄皆血流亦為

警色

暮秋山行

疲馬臥長坂夕陽下通津山風吹空林颯  
颯如有入蒼昊霽涼雨石路無飛塵千念  
集暮節萬籟悲蕭辰鷓鴣昨夜鳴蕙草色  
已陳况在遠行客自然多苦辛

因假歸白閣草堂

雷聲傍太白雨在八九峯東望白閣雲半  
入紫閣松豚概紛滿日衡門越弥濃幸有  
數畝田得延二仲蹤早聞達士語偶與心  
相適誤狗一微官還山媿塵容釣竿不復  
把野碓無人春惆悵飛鳥盡南溪聞夜鐘  
與高適薛據同登慈恩寺浮圖

安元增勢如湧出孤高聳天宮登臨出世界磴  
道盤虚空突兀壓神州崢嶸如鬼工四角



三言人言... 卷一  
三  
暖白日七層摩蒼穹下窺指高鳥俯聽聞  
驚風連山若波濤奔走似朝東青松夾馳  
道宮觀何玲瓏秋色從西來蒼然滿關中  
五陵比原上萬古青濛濛淨理了可悟勝  
因夙所宗誓將挂冠去覺道資無窮九言此見路登慈思增  
詩少陵下應推此作高達夫儲大祝皆不及也薛均詩失傳無可考

送祁樂歸河東

祁樂後來秀挺身出河東往年詣麗山厭

賦溫泉宮天子不召見揮鞭遂從戎前月  
還長安囊中金已空有時忽乘興畫出江  
上峰牀頭蒼梧雲簾下天台松忽如高堂  
上颯颯生清風五月火雲屯氣燒天地紅  
鳥且不敢飛子行如轉蓬詩少陵下應推此作高達夫儲大祝皆不及也薛均詩失傳無可考  
河勢爭雄新月河上出清光滿關中置酒  
灞亭別高歌披心胸君到故山時為我謝

老翁

崔

曙宋州人開元二十六年進士以詩明堂火珠詩得名詩

云曙後一星孤

山下晚晴

寥寥遠天靜。谿路何空濛。斜光照陳雨。秋氣生白虹。雲盡山色暝。蕭條西北風。故林歸宿處。一葉下梧桐。

潁陽東谿懷古

在河南登封縣

靈谿氛霧歇。故鏡清心顏。空色不映水。秋聲多在山。世人久踈曠。萬物皆自閒。白鷗

寒更浴孤雲。晴未還。昔時讓王名。此地閉玄關。無以躡高步。淒涼岑壑間。讓王指許由莊子有

讓王篇

早發交崖山還太室作

太室在嵩山與少室

相望

東林氣微白。寒鳥急高翔。吾亦自茲去。北山題草堂。杪冬正三五。日月遥相望。肅肅

重刊唐詩集

過潁上瞻瞻辨夕陽川冰生積雪野火出  
枯桑獨往路難盡窮陰人易傷

包融

送國子張王簿

湖岸纔初解鶯啼別離處遙見舟中人時  
時一回顧坐悲芳歲晚花落青軒樹春夢  
隨我心悠悠逐君去

薛

據荆南人官太

冬夜寓居寄儲太祝

自為離陽客夫子吾知音感激欲涕愛義能下士時  
人無此心奈何離居夜巢鳥空飛林愁坐  
至月上復聞南鄰砧

重訂唐詩別裁集卷一 終

男 種松校字

重訂唐詩別裁集卷二

長洲沈德潛歸愚選

李 白 字太白 梁武昭王九世孫 蜀

長安賀知章見其文曰謫仙人也  
言于明皇召對金殿詔供奉翰  
林帝在沉香亭賞名花召賜消平  
謫二章帝愛其才因醉命高力士  
脫靴力士耻之摘詩中語激揚貴  
妃妃譖于帝賜金放還安祿已反  
永王瑒辟為府僚佐璘起兵白起  
曰璘敗當誅先是嘗救郭子儀至  
是子儀請解官以贖詔長流夜郎  
赦還客當塗令李陽冰所代宗立

以左拾遺召而白已卒矣。蓋當塗之青山。太白詩縱橫馳騁。獨占風二卷。不存才。不使氣。原才。死公。風格俊上。伯王感遇詩。後有嗣音矣。

古風十五首

大曲久不作。吾哀竟誰陳。王風委蔓州。戰國多荆榛。龍虎相啖食。兵戈逮扛秦。正聲何微茫。哀怨起騷人。揚馬激頽波。開流蕩無根。虞與雖萬變。憲章亦已淪。自從建安

來。綺豔不足珍。聖代復元古。垂衣貴清真。

羣才屬休明。飛運共躍鱗。文質相炳煥。衆

星羅秋。是我志在刪述。垂暉映于春。希聖

如有立。絕筆於獲麟。昌黎云。齊梁及陳隋。衆作等。憚。梁。太白則

云。自從建安來。綺靡不足珍。是從來作。哀餘語。不足珍。謂建安以後也。謝朓。樓鏡別云。蓬萊文章。建安情一語可証。

澹陰薄。太清。蝕此瑤臺月。圓光虧中天。金

魄遂淪沒。端竦八紫微。大明忒朝暉。浮雲

隔兩曜萬象昏陰霏蕭蕭長門宮昔是今  
已非桂蠹花不實天霜下嚴威沈歎終水

少感我涕沾衣

意指武惠妃有寵王皇后見空而作通体皆作隱語

而蕭々長門宮二句若晦若顯布置最佳

秦皇掃六合虎視何維哉飛劍決浮雲諸

侯盡西來明斷自天啟大略駕羣才收兵

鑄金人函谷正東開銘功會稽嶺騎望瑯

琊臺刑徒七十萬起土鑿山隈尚采不死

藥茫然使心哀連弩射海魚長鯨正崔嵬

額鼻象五岳揚波噴雲雷鬢鬣蔽青天何

由觀蓬萊徐市載秦女樓船幾時迴但見

三泉下金棺葬寒灰既期不死而又策高陵自和茅盾矣

莊周夢蝴蝶蝶為莊周一儻更變易萬

事良悠悠乃知蓬萊水復作清淺流青門

種瓜人舊日東陵侯富貴固如此營營何

所求言一儻尚有變易而富貴能長保耶

飛有侷儻生。曾運特高妙。明月出海底。一  
 朝開光曜。卻秦振英聲。後世仰未照。意輕  
 千金贈。顧向平原笑。吾亦澹蕩人。拂衣可  
 同調。

松柏本孤直。難為桃李顏。昭昭嚴子陵。垂  
 釣滄波間。身將客星隱。心與白雲閒。長揖  
 萬乘君。還歸富春山。清風灑六合。邈然不  
 可攀。使我長歎息。只棲巖石間。不著議論  
亦古一

君平既棄世。世亦棄君平。觀變窮太易。探  
 元化羣生。寂寞綴道論。空籬閉幽情。鸞虞  
 不虛來。鸞鸞有時鳴。安知天漢上。白日懸  
 高名。海客去已久。誰人測沈冥。言人之不  
 驚。驚必於見。知即世人不  
 知其名也。天漢二句。用海客  
 兼槎至識  
 女官  
 意

天津三月時。千門桃與李。朝為斷腸花。暮  
 逐東流水。前水復後水。古今相續流。新人

非舊人年。年橋上。遊鷄鳴海色動。謁帝羅  
公侯。月落西上陽。餘輝半城樓。衣冠照雲  
日。朝下散皇州。鼓馬如飛龍。黃金絡馬頭。  
行人皆辟易。志氣橫嵩丘。人門上高堂。列  
鼎錯珍羞。香風引趙舞。清管隨齊謳。七十  
紫鴛鴦。雙雙戲庭幽。行樂爭晝夜。自言度  
千秋。功成身不退。自古多愆尤。黃犬空歎  
息。綠珠成纒讐。何如鴟吞子。散髮棹扁舟。

此言權貴豪侈沉溺不返而有李斯石  
崇之禍不如范蠡扁舟而去之為得也  
前用  
與起

鄭客西入關。行行未能已。白馬華山君。相  
逢平原里。壁遺鎬池君。明年祖龍死。秦人  
相謂曰。吾輩可去矣。一往桃花源。千春隔  
流水。

羽檄如流星。虎符合專城。喧呼救邊急。羣  
鳥皆夜鳴。白日耀紫微。三公運權衡。天地

重訂唐詩別裁卷之二



皆得下清平不應有用兵之事故因問之一澹然四海清借問此何為答言楚

徵兵渡瀘五月出師而及五月將赴雲南征快卒非戰

士敗下炎方難遠行長號別嚴親日月慘光晶

泣盡繼以血心摧兩無聲困獸當猛虎窮

魚餌奔鯨干去不一回投軀豈全生如何

舞干戚一使有苗平如何作何如何常古人

是南而大敗揚國忠掩敗為功詩應作於

胡關饒風沙蕭索竟終古木落秋草黃登

高望戎虜荒城空大漠邊邑無遺堵白骨

橫干霜嗟我薇棗葬借問誰凌虐天驕毒

威武赫怒我聖皇勞師事鞞鼓陽和變殺

氣發卒騷中土三十六萬人哀哀淚如雨

且悲就行役安得營農圃不見征戍兒豈

知關山苦李牧今不在邊人飼豺虎天寶

王忠嗣攻吐蕃石堡城忠嗣言堅守難

攻董延光自請攻之不克復命哥舒翰

攻而拔之獲吐蕃四百人而唐兵死已累盡其後世為讐敵矣詩為開邊重戒典前一

登高望四海。天地何漫漫。霜被羣物秋。風

飄大荒寒。榮華東流水。萬事皆波瀾。白日

掩徂輝。浮雲無定端。梧桐巢燕雀。枳棘棲

鸚鵡。且復歸去來。劔歌行路難。白日二語喻地邪惑

主梧桐二語喻小人得志君子失所

醜女來效顰。還家驚四鄰。壽陵失故步。笑

殺邛郫人。一曲斐然子。雕蟲喪天真。棘荆

造沐猴。三年薈精神。功成無所用。楚楚且

華身。大雅思文王。頌聲久崩淪。安得郢中

質。成風一運斤。誠世之文章無補風教而因追思大雅也

八荒。馳驚飈。萬物盡凋。浮雲蔽頽陽。洪

波振大壑。龍鳳脫網罟。飄飄將安托。去去

乘白駒。空山詠場藿。浮雲二語隱指亂世景象

桃花開東園。含笑誇白日。偶蒙東風榮。生

此豔陽質。豈無佳人色。但恐心花不實。宛轉龍火飛零落早相失詎知南山松獨立自

蕭瑟。

擬古四首

長繩難繫日。自古共悲辛。黃金高北斗。不  
惜買陽春。言時光與人命同一短促石火無留光。還如世中人。即事  
已如夢。後來我誰身。提壺莫辭貧。取酒會  
四鄰。仙人殊恍惚。未若酒中真。

月色不可掃。客愁不可道。王露生秋衣。流  
螢飛百草。日月終銷毀。天地同枯槁。蟋蟀  
啼青松。安見此樹老。金丹寧誤俗。昧者難  
精討。爾非千歲翁。多恨去世早。飲酒入玉  
壺。歲身以為寶。言天地終歸枯槁况  
乎人生正當及時行樂涉江弄秋水。愛此荷花鮮。攀荷弄其珠。蕩  
漾不成圓。佳期彩雲重。欲贈隔遠天。相思  
無由見。悵望涼風前。

去去復去去。辭君還憶君。漢水既殊流。楚山亦此分。人生難稱意。豈得長為羣。越燕喜海日。燕鴻思切雲。別久容華晚。琅玕不能飯。日落知天昏。夢長覺道遠。望夫登高山。化石竟不返。詞微自遠。怨而不怒。

沐浴子

梁庾信分一格雜入五言七言中長短句七言

沐芳莫彈冠。浴蘭莫振衣。處世忌木藜。至人貴葺輝。滄浪有釣叟。吾與爾可齊。言立

太常不如老丙之和光同聲也暗用楚詩意

子夜吳歌

子夜晉女子名

長安一片月。萬戶搗衣聲。秋風吹不盡。總是玉關情。何日平胡虜。良人罷遠征。不言胡虜

之續武而言胡虜之未平立言溫厚

關山月

明月出天山。蒼茫雲海間。長風幾萬里。吹度玉門關。漢下白登道。胡窺青海灣。由来

征戍地。不見有人還。戍客望邊色。思歸多  
苦顏。高樓當此夜。歎息未應閒。

短歌行

白日何短短。百年苦易滿。蒼穹浩茫茫。萬  
劫太極長。麻姑垂兩鬢。一半已成霜。天公  
見王女。大笑億千場。吾欲攬六龍。迺車挂  
扶桑。北斗酌美酒。勸龍各一觴。富貴非所  
願。與人駐顏光。

妾薄命

漢帝寵阿嬌。貯之黃金屋。○形容盡能為子咳唾落九天。隨  
風生珠玉。寵極愛還歇。妒深情却疎。長門  
一步地。不肯暫迴車。雨落不上天。水覆難  
再收。君情與妾意。各自東西流。昔日芙蓉  
花。今成斷根草。以色事他人。能得幾時好。

古朗月行

小時不識月。呼作白玉盤。又疑瑤臺鏡。飛

重刊五言詩

在青雲端。仙人垂兩足。桂樹作團團。白兔

擣藥成。問言誰與餐。蟾蜍蝕圓影。大明夜

已殘。羿昔落九烏。天人清且安。陰精此淪

惑。去去不足觀。憂來其如何。懷愴摧心肝。

與古風中蟾蜍薄太清篇同意但古風指武惠妃此指楊貴妃各有主意也

長干行

妾髮初覆額。折花門前劇。郎騎竹馬來。遮

林弄青梅。同居長千里。兩小無嫌猜。十四

為君婦。羞顏未嘗開。低頭向暗壁。千喚不

一回。十五始展眉。願同塵與灰。常存抱柱

信。豈上望夫臺。十六君遠行。瞿塘滬頰堆

五月不可觸。猿舌天上哀。門前送行跡。一

生綠苔。苔深不能掃。落葉秋風早。八月

蝴蝶黃。豆飛西園州。感此傷妾心。坐愁紅

顏老。早晚下三巴。預將書報家。相迎不道

遠。直至長風沙。長風沙在舒州金陵至舒州七百餘里言相迎之遠

言人言另卷之二

贈盧司戶

秋色無遠近。出門盡寒山。白雲遙相識。待我蒼梧間。借問盧耽鶴。西飛幾時還。

沙邱城下寄杜甫

我來竟何事。高卧沙邱城。城邊有古樹。日夕連秋聲。曾酒不可醉。齊歌空復情。思君若汶水。浩蕩寄南征。  
沙邱在萊州汶水出沂水在青州城地相

按故欲因水以寄情也

送楊山人歸嵩山

我有萬古宅。嵩陽玉女峯。長留一片月。挂在東溪松。爾去掇仙草。曾蒲花紫茸。歲晚或相訪。青天騎白龍。

金鄉送韋八之西京

客自長安來。還歸長安去。狂風吹我心。西挂咸陽樹。此情不可道。此別何時遇。望望

不見君連山起煙霧即瞻望帝及賈芬我心意說來自

下終南山過斛斯山人留置酒

暮從碧山下山月隨人歸卻顧所來徑蒼

蒼橫翠微相携及田家童稚開荆扉綠竹

入幽徑青蘿拂行衣歡言得所憩美酒聊

共揮長歌吟松風曲盡河星稀我醉君復

樂陶然共忘機太白山水詩亦帶仙氣

寄東魯二子

吳地桑葉綠吳蠶已三眠我家寄東魯誰

種龜陰田春事已不及分行復茫然南風

吹歸心飛歸酒樓前樓東一株桃枝葉

青烟此樹我所種別我向三年桃今與樓

齊我行尚才旋嬌女守平陽折花倚桃邊

折花不見我淚下如流泉小兒名伯禽與

姊亦齊肩雙行桃樹下撫背復誰憐念此

失次第肝腸日憂煎裂素寫遠意因之汝



陽川

秋日晉和弄祠亭上宴別杜補闕

字煩 范侍郎

我覺秋興逸誰云秋興悲山崩落日去水  
與晴空宜魯酒白玉壺送行駐金羈歇鞍  
憩古木解帶柱橫枝歌鼓川上亭曲度神  
飈吹雲歸碧海必馬沒青天時相失各萬  
里茫然空爾思

經下邳地橋懷張子房

子房木虎嘯破產不為家滄海得壯士推  
秦博浪沙報韓雖不成天地皆振動匿  
游下邳豈曰非智勇我來地橋上懷古欽  
英風唯見碧流水曾無黃石公歎息此人  
去蕭條徐泗空為子房生色智勇  
字可補也家贊語

望鸚鵡洲懷禰衡

魏帝營八極蟻頰一禰衡黃祖斗筲人殺

之愛惡名。吳江賦。鸚鵡落筆超羣英。錫也  
 振金玉。句句欲飛鳴。鸞鵠啄孤鳳。于春傷  
 我情。五岳起方寸。隱然詎可平。才高竟何  
 施。寡識肯天刑。至今芳洲上。蕭瑟不忍生

曹操送之劉表劉表送之其祖祖乃殺  
 之同二人之不能容物而為之恃才慢  
 罵有以自取也廣漢御云  
 才高猶寡與大白言同

月下獨酌

花間人。壺酒獨酌無相親。舉杯邀明月。對

影成三人。月既不。解飲影徒隨。我身暫伴  
 月將影。行樂須及春。我歌月裴回。我舞影  
 零亂。醒時同交歡。醉後各分散。永結無情  
 遊。相期邈雲漢。  
脫口而去純乎天機  
 此種詩人不易學

春日醉起言志

處世若大夢。胡為勞其生。所以終日醉。頽  
 然卧前楹。覺來眈庭前。一鳥花間鳴。借問  
 此何時。春風語流鶯。感之欲歎息。對酒還

自傾浩歌待明月。曲盡已忘情。

望終南山寄紫閣隱者

出門見南山。引領意無限。秀色難為名。蒼翠口在眼。有時白雲起。天際自能卷。心中與之然。託興每不淺。何嘗造幽人。滅跡棲絕巘。因自雲笈卷念及幽人借隱之思與之俱遠

送裴十八圖南歸嵩山

君思潁水綠。忽復歸嵩高。本歸時莫洗。塵爲

我洗其心。洗心得真情。洗耳徒買名。謝公

終一起。相與濟蒼生。

言真能洗心則出丘皆肯不專以忘世為

高也借洗耳引洗心無累父意

登黃山凌歊臺送族弟溧陽尉濟

充泛舟赴華陰得齊字

鸞乃鳳之族。翔紫雲。霓文章。輝五色。雙在瓊樹棲。一朝各飛去。鳳與鸞俱啼。炎赫五月中。朱曦爍河隄。爾從泛舟後。使我心

魏。秦地無碧草。南雲喧鼓鼙。君玉滅玉  
 歷。早起思鳴鷄。漕引救關輔。疲人免塗泥。  
 宰相作霖雨。農夫得耕犁。靜者伏艸間。孳  
 才滿金閨。空手無壯士。窮居使人低。送君  
 登黃山。長嘯倚天梯。小舟苦鳧鴈。大舟若  
 鯨鯢。開帆散長風。舒卷與雲齊。日入牛渚  
 暝。蒼然夕煙迷。相思之何誅。杳在洛陽西。  
此詩清處見開在單因此一  
 有生意未寫送行亦不

上三峡

巫山西陵峽歸  
峽並稱二峽

巫山夾青天。巴水流若茲。巴水忽可盡。青  
 天無到時。三朝上黃牛。三暮行大灘。三朝  
 又三暮。不覺髮成絲。  
古語云朝見黃牛暮  
 見黃牛三朝三暮黃  
 牛如故  
 亦峽名

聽蜀僧濬彈琴

蜀僧抱綠綺。西下峨眉峰。為我一揮手。如  
 聽萬壑松。客心洗流水。餘響入霜鐘。不覺

碧山暮秋雲暗幾重

杜甫

字子美襄陽人審言之孫開  
 三大禮賦授京兆府兵曹參軍  
 山亂肅宗即位靈武南自守師西  
 謁行在拜右拾遺房琯兵敗天官  
 甫救之出為華州司功參軍家奏  
 州流落劍南武表為參謀工部  
 員外郎武卒遊東蜀往依高適適  
 旅卒自是數遭寇亂以舟為居未  
 場聶小迎日署中一夕而卒年五  
 十九孫嗣業自來陽迎樞歸葬於  
 偃師縣首陽山之前○聖人言詩  
 自與辭章怨歸本於事父事君少  
 陵身際亂離與蘇拾遺而忠愛之

意倦憊不怠得聖人之肯矣○前  
 人論少陵詩者多矣至天陰浪則  
 云憲章漢魏而取材於六朝至其  
 白得之妙先輩所謂集大成者也  
 孫器之此之謂公禮樂後世莫能  
 擬議斯為篤論○少陵詩陽開陰  
 閣雷動風飛任舉一勾一節無不  
 見此姿面日在感唐中九推大家  
 問博力量大轉接無痕莫測端倪  
 轉似不連屬者千古以來詩獨  
 步○唐人詩原本離騷文選老杜  
 獨能驅策經史不  
 第以詩人目之

秦贈韋左丞丈二十二韻

紉袴不餓死。儒冠多誤身。丈人試靜聽。賤

子請具陳。甫昔少年日。早充觀國賓。讀書

破萬卷。下筆如有神。賦料揚雄敵。詩看子

建親。李邕求識面。王翰願卜鄰。自謂頗挺

出。立登要路津。致君堯舜上。再使風俗淳。

再意竟蕭條。行歌非隱淪。騎驢二十載。旅

食京華春。朝扣富兒門。暮隨肥馬塵。錢杯

與冷炙。到處應悲辛。主上頌見徵。然欲

求伸青。具卻垂翅。蹭蹬無從。鱗甚媿。丈人

厚甚知。丈人真。每於百寮上。猥誦佳句新。

稱效貢公。喜難甘。原憲貧。焉能心。怏怏祗

是走。峻峻今欲東。入海即將西。去秦尚憐

於南山。回首清渭濱。常擬報一飯。况懷辭

大臣。白鷗沒浩蕩。萬里誰能馴。抱負如此

然其去也。无怨忍之詞。有遲遲。我行之志。可謂溫柔敦學矣。

遊龍門奉先寺

已從招提道更宿招提境陰空生虛籟月  
 林散清影天閑象緯逼雲臥衣裳冷欲覺  
 聞晨鐘令人發深省

伊闕名龍門非道河  
 積石所至之龍門也

本有天閑不  
 應改天關

望嶽

岱宗夫如何齊魯青未了造化鍾神秀陰  
 陽割昏曉盪胸生曾雲決眇人歸而會當  
 凌絕頂一覽衆山小齊魯青未了五  
 字已忘太山

衛八處士

人生不相見動如參與商今夕復何夕共  
 此燈燭光少壯能幾時鬢髮各已蒼訪舊  
 半為鬼驚呼熱中腸焉知二十載重上君  
 子堂昔別君未婚兒女忽成行怡然敬父  
 執問我來何方問荅未及已兒女羅酒漿  
 夜雨剪春韭新炊間黃粱主稱會面難一  
 舉累十觴十觴亦不醉感子故意長明日

隔山岳。世事兩茫茫。

同諸公登慈恩寺塔原注時高適許據先有作

高標跨蒼穹。烈風無時休。自北曠土懷登

茲。翻百憂。方知象教力。足可追冥棧。仰穿

龍蛇窟。始出枝撐幽。七星在北戶。河漢聲

西流。羲和鞭白日。少昊行清秋。秦山勿破

碎。涇渭不可求。俯視但一氣。焉能辨皇州。

迴首叫虞舜。君。正愁惜哉。瑶池飲日

思。昆崙丘。黃鶴去。不息哀鳴何所投。君看

隨陽鴈。冬有稻梁謀。後半回首以下胸中

改通僮皆屬此語恐穿鑿無未

前出塞九首朱長孺云明皇季年

安祿山請禡于其舟于是徵調

半天下前出塞為哥舒發後出

塞為祿山發今按詩前九章多

戚戚去故里。悠悠赴交河。公家有程期。亡

取危之斬長孺所分也



命嬰禍羅君已富。土境開邊一何多。棄絕父母恩吞聲行負戈。

出門日已遠不受徒旅欺。骨肉自豈斷男兒死無時。走馬脫轡頭手巾挑青絲。捷下萬仞岡俯身試舉旗。

艾言因水水赤刃傷手欲輕腸斷聲心

艾言因水水赤刃傷手欲輕腸斷聲心

艾言因水水赤刃傷手欲輕腸斷聲心

送徒既有長遠戍亦有身生死向何去不

勞吏怒噴路逢相識人附書與六親哀哉

兩決絕不復同苦辛

迢迢萬餘里領我赴三軍軍中異苦樂主

將寧盡聞隔河見胡騎倏忽數百羣我姑

為奴僕幾時樹功勳

立則四面也。即。高。不。多。沒。傷。意。所。珍。尚。且。

挽弓當挽強用箭當用長則人先射馬擒

賊先擒王殺人亦無限立國自有疆苟能

制。侵。陵。豈。在。多。殺。傷。諸本殺人亦有限惟文待詔作無限以開

分語出之較有味文云古本皆然從之

驅馬天雨雪。軍行入高山。逕危抱寒石。指落聖水間。已去漢月遠。何時築娥還。浮雲暮南征。可望不可攀。

單于寇我壘。百里風塵昏。雄劍四五動。彼軍為我奔。擄其名王歸。繫頸授轅門。潛身備行列。一勝何足論。一語有大

軍立意既廣

從軍十年餘。能無分寸功。眾人貴苟得。欲語羞雷同。中原有鬪爭。況在狄與戎。丈夫四方志。安可辭固窮。不願苟得不辭固窮。軍伍中有此節果。

合九章成一章法

後出塞五首

男兒生世間。及壯當封侯。戰伐有功業。焉能守舊丘。召募赴荊門。軍動不可留。千金買馬鞍。百金裝刀頭。聞里送我行。親戚擁

道周班白居易上列酒酣進庶羞少年別有  
贈含笑看美鈞

朝進東門營暮上河陽橋落日照大旗馬

鳴風蕭蕭平沙列萬幕部伍各見招中天

懸明月令跋夜寐寒悲筋數筭動壯士慘

不驕借問大將誰恐是霍嫖姚寫軍容之

嚴如干莫出匣寒光相向霍

去病勤遠開迹故以為比古人重守迹今人重高勳豈知英傑主出

師亘長雲六合已一家四夸且孤軍遂使

貔虎士奮身勇所聞拔劍擊大荒日收胡

馬羣誓開玄冥北持以奉吾君立冥北豈

高勳之後心

獻凱日繼踵兩番靜無虞滄陽豪俠地擊

鼓吹笙箏雲帆轉遼海稷稻來東吳越羅

與楚練照耀輿臺軀主將位益崇氣騎凌

上都迹人不敢議議者死路衢監賞以結

以繪眾口強故不亂其可得乎  
連下章採山叛逆隱耀言下

我本良家子。出師亦多門。將驕益愁思。身  
貴不足論。二十年。恐孤明主恩。坐見

幽州騎。長驅河洛昏。中夜聞道歸。故里但

空村。惡名幸脫免。窮老無兒孫。此章  
題言

白京赴奉先縣詠懷五百字天寶  
十四

載十月上幸華清宮十一月  
祿山反詩應作于將反時

杜陵有布衣。老大意轉拙。許身一何愚。竊

比稷與契。居然成濩落。白首甘契濶。益信

事則已。此志常覲豁。窮年憂黎元。歎息腸

內熱。取笑同學翁。浩歌彌激烈。非無江海

志。蕭灑送日月。生逢堯舜君。不忍便永訣

當今廊廟具。構厦豈云缺。葵霍傾太陽。物

性固莫奪。顧惟螻蟻輩。但自求其穴。胡為

慕大鯨。輒擬偃溟渤。以茲悟生理。獨耻事

千謁。兀兀遂至今。忍為塵埃沒。終愧巢與

由。未能易其節。沈飲聊自適。放歌破愁絕。

歲暮百草凋。疾風高岡裂。天衢陰崢嶸。客

子中夜發。霜嚴衣帶斷。指直不得結。凌晨

過驪山。御榻在嵒嶠。蚩尤塞寒空。蹴踏崖

谷滑。瑶池氣鬱律。羽林相摩夏。君臣留歡

娛樂動。殷摎場賜谷。皆長纓。與宴非知禍。

彤廷所分帛。本自寒女出。鞭撻其夫家。聚

斂貢城關。聖人篚篚恩。實欲邦國活。臣如

忽。王理君。豈棄此物。多士盈朝廷。仁者宜

戰慄。况聞內金盤。盡在衛霍室。中堂舞神

仙。煙霧散玉質。煖客貂鼠裘。悲管逐清瑟。

勸客馳蹄羹。霜橙豎香橘。朱門酒肉臭。路

有凍死骨。榮枯咫尺異。惆悵難再述。北轅

就涇渭。官渡又改轍。羣冰從西下。極目高

崒兀。疑是崆峒來。恐觸天柱折。河梁幸未

圻。枝撐聲窸窣。行旅相攀援。川廣不可越。

以下自。求。赴。奉。失。途。中。西。日。

時明。皇。在。華。清。宮。

僅能之。蓋。賜。子。之。減。丙。或。之。

谷。滑。瑶。池。氣。鬱。律。羽。林。相。摩。夏。君。臣。留。歡。娛樂。動。殷。摎。場。賜。谷。皆。長。纓。與。宴。非。知。禍。

彤。廷。所。分。帛。本。自。寒。女。出。鞭。撻。其。夫。家。聚。斂。貢。城。關。聖。人。篚。篚。恩。實。欲。邦。國。活。臣。如。

忽。王。理。君。豈。棄。此。物。多。士。盈。朝。廷。仁。者。宜。戰。慄。况。聞。內。金。盤。盡。在。衛。霍。室。中。堂。舞。神。仙。煙。霧。散。玉。質。煖。客。貂。鼠。裘。悲。管。逐。清。瑟。

勸。客。馳。蹄。羹。霜。橙。豎。香。橘。朱。門。酒。肉。臭。路。有。凍。死。骨。榮。枯。咫。尺。異。惆。悵。難。再。述。北。轅。就。涇。渭。官。渡。又。改。轍。羣。冰。從。西。下。極。目。高。崒。兀。疑。是。崆。峒。來。恐。觸。天。柱。折。河。梁。幸。未。圻。枝。撐。聲。窸。窣。行。旅。相。攀。援。川。廣。不。可。越。

有。凍。死。骨。榮。枯。咫。尺。異。惆。悵。難。再。述。北。轅。就。涇。渭。官。渡。又。改。轍。羣。冰。從。西。下。極。目。高。崒。兀。疑。是。崆。峒。來。恐。觸。天。柱。折。河。梁。幸。未。圻。枝。撐。聲。窸。窣。行。旅。相。攀。援。川。廣。不。可。越。

有。凍。死。骨。榮。枯。咫。尺。異。惆。悵。難。再。述。北。轅。就。涇。渭。官。渡。又。改。轍。羣。冰。從。西。下。極。目。高。崒。兀。疑。是。崆。峒。來。恐。觸。天。柱。折。河。梁。幸。未。圻。枝。撐。聲。窸。窣。行。旅。相。攀。援。川。廣。不。可。越。

有。凍。死。骨。榮。枯。咫。尺。異。惆。悵。難。再。述。北。轅。就。涇。渭。官。渡。又。改。轍。羣。冰。從。西。下。極。目。高。崒。兀。疑。是。崆。峒。來。恐。觸。天。柱。折。河。梁。幸。未。圻。枝。撐。聲。窸。窣。行。旅。相。攀。援。川。廣。不。可。越。

有。凍。死。骨。榮。枯。咫。尺。異。惆。悵。難。再。述。北。轅。就。涇。渭。官。渡。又。改。轍。羣。冰。從。西。下。極。目。高。崒。兀。疑。是。崆。峒。來。恐。觸。天。柱。折。河。梁。幸。未。圻。枝。撐。聲。窸。窣。行。旅。相。攀。援。川。廣。不。可。越。

有。凍。死。骨。榮。枯。咫。尺。異。惆。悵。難。再。述。北。轅。就。涇。渭。官。渡。又。改。轍。羣。冰。從。西。下。極。目。高。崒。兀。疑。是。崆。峒。來。恐。觸。天。柱。折。河。梁。幸。未。圻。枝。撐。聲。窸。窣。行。旅。相。攀。援。川。廣。不。可。越。

有。凍。死。骨。榮。枯。咫。尺。異。惆。悵。難。再。述。北。轅。就。涇。渭。官。渡。又。改。轍。羣。冰。從。西。下。極。目。高。崒。兀。疑。是。崆。峒。來。恐。觸。天。柱。折。河。梁。幸。未。圻。枝。撐。聲。窸。窣。行。旅。相。攀。援。川。廣。不。可。越。

有。凍。死。骨。榮。枯。咫。尺。異。惆。悵。難。再。述。北。轅。就。涇。渭。官。渡。又。改。轍。羣。冰。從。西。下。極。目。高。崒。兀。疑。是。崆。峒。來。恐。觸。天。柱。折。河。梁。幸。未。圻。枝。撐。聲。窸。窣。行。旅。相。攀。援。川。廣。不。可。越。

老妻寄異縣。十口隔風雪。誰能久不顧。廢

往共饑渴。入門聞號咷。幼子飢已卒。吾寧

捨一裘。里巷亦嗚咽。所愧為人父。無食致

天折。豈知秋禾登。貧窶有倉卒。生常免租

稅。名不隸征伐。撫連猶酸辛。乎人固騷屑

黥。思失業徒。因念遠戍卒。憂端齊終南。傾

洞不可掇。

和○唐○目是希稷契人語○此詩及北征因長篇畫分段落

述懷

去年潼關破。妻子隔絕久。今夏州木長。脫

身得西走。麻鞋見天子。衣袖露兩肘。朝廷

愍生還。親故傷老醜。涕淚授拾遺。流離主

恩厚。柴門雖得去。未忍即開口。寄書問二

川。不知家在否。比聞同罹禍。殺戮到雞狗。

山中滿郊屋。誰復依戶牖。摧頽蒼松根。地

冷骨未朽。幾人全性命。盡室豈相偶。茲幸

遇

猛虎場鬱結迴我首自寄一封書今已十  
月後反畏消息來寸心亦何有漢運初中  
與平生老耽酒沉思歡會處恐作窮獨叟

彭衙行

通集道 故用 憶昔 音 彭衙 起

憶昔避賊初北走經險艱夜深彭衙道月  
照白水山盡室久徒步逢人多厚顏參差  
谷鳥吟不見遊子還癡女饑咬我啼畏虎  
狼聞懷中掩其口反側聲愈真小兒強解

事故索苦李餐一旬半雷雨泥濘相牽一  
既無禦雨備徑滑衣又寒有時經契濶竟  
日數里間野果充糗糧畢枝成屋椽豆行  
石上水暮宿天邊煙少留同家窪欲出蘆  
子關故人存孫宰高義薄曾雲送客已  
黑張燈啓重門煖湯濯我足剪紙招我魂  
從此出妻孥相視涕闌干眾雛爛漫睡喚  
起沾盤殮誓將與夫子永結為弟昆遂空

所坐堂安居奉我懼誰肯艱難際露  
心肝別來歲月周胡揭仍捕忠何當有翅  
翎飛去隨爾前

北征公時家鄜州在鳳州

皇帝二載秋聞八月初吉杜子將北征蒼  
茫問家室維時遭艱虞朝野少暇日顧慙  
恩私被詔許歸蓬葦拜辭詣闕下怵惕久  
未出雖乏諫諍姿恐君有遺失君誠中與

主經傳固密勿東胡反未已臣甫憤所切

揮涕戀行在道途猶恍惚乾坤含瘡痍憂

虞何時畢靡靡踣阡陌人煙眇蕭瑟所遇

多被傷呻吟更流血迴首鳳翔縣旌旗晚

明滅前登寒山重屢得飲馬窟邠邠入地

底涇水中蕩潏猛虎立我前蒼崖孔時裂

菊垂以下折見在日京今秋花石戴古車轍青雲動高興幽

事亦可悅山果多瑣細羅生雜橡栗或紅



如月砂或黑如點漆。雨露之所濡。甘苦齊  
 結實。細想桃源內。益歎身世拙。坡陀望斷  
 時。巖谷五出沒。我行已水濱。我僕猶未末。  
 鴟鳥鳴黃桑。野鼠拱亂穴。夜深經戰場。寒  
 月照白骨。滄關百萬師。往者散何卒。家令  
 半秦民。殘害為異物。况我隨胡塵。及歸盡  
 華髮。經年至芘屋。妻子衣百結。慟哭松聲  
 迴。悲泉共幽咽。平生所嬌兒。顏色白勝雪。

見即背而啼。垢膩脚不襪。床前兩小女。補  
 苧才過郝。海圖拆波濤。舊繡移曲折。天吳  
 及紫鳳。顛倒在袒裼。老夫情懷惡。嘔吐卧  
 數日。那無囊中帛。救汝寒凜慄。粉黛亦解  
 芑。衾綉稍羅列。瘦妻面復光。癡女頭自櫛。  
 學母無不為。曉粧隨手抹。移時施朱鉛。狼  
 藉畫眉澗。生還對童稚。似欲忘飢渴。問事  
 競挽鬢。誰能即嗔喝。翻思在賊愁。甘受雜

亂語新歸且慰意生理焉能說○似○句○家○後○至尊尚蒙

塵幾日休練卒仰觀天色改坐嘗祇氣豁○此○古○交○集○公○補○字○小○了○忽○人○主○言○此○氣○豁○

陰風西北來慘澹隨回鶻其王願助順其○此○六○接○他○人○語○此○世○九○

俗善馳突送兵五千人驅馬一萬匹○此○河○死○後○有○四○夏○

少為貴四方眼勇決所用皆鷹鳥騰破敵過○此○河○死○後○有○四○夏○

箭疾聖心頗虛佇時議氣欲奪伊洛指掌○此○河○死○後○有○四○夏○

收西京不足拔官軍請深八蓄銳伺俱發○此○河○死○後○有○四○夏○

此舉開青徐旅騰略恒碣昊天積霜露正○此○河○死○後○有○四○夏○

氣育肅後禍轉亡胡歲勢成擒胡月胡命

其能久皇綱未宜絕憶昨狼狽初事與古○此○河○死○後○有○四○夏○

先別姦臣竟類醢同惡隨蕩析不聞夏殷○此○河○死○後○有○四○夏○

衰中自誅袁妲周漢獲再興宣光果明悲○此○河○死○後○有○四○夏○

拒柝陳將軍仗鉞奮忠烈微雨人盡非于○此○河○死○後○有○四○夏○

个園猶活淒涼大同殿寂寞白獸闕都人○此○河○死○後○有○四○夏○

望翠華佳氣向金闕園陵回有神掃灑數○此○河○死○後○有○四○夏○

不缺煌煌大宗業樹立甚宏達○此○河○死○後○有○四○夏○

漢魏以來未有此體

少陵特為開出是詩家第一篇  
大文公之忠愛謀畧亦于此見

玉華宮 貞觀  
時建

溪迴松風長。蒼鼠鼠古瓦。不知何王殿遺。  
精絕壁下陰房鬼。大青壞道哀湍瀉。萬籟  
真笙等秋色。正蕭灑。美人為黃土。泥乃粉  
黛微。當時侍金輿。故物獨石馬。憂來藉艸  
坐。浩歌淚盈把。冉冉征途間。誰是長年者。

凄涼如言人居初所建而  
不知何王殿妙于語言

九成宮

在隋仁壽宮本  
太宗修之以避暑

山人百里崖。斷如杵臼。曾宮憑風颯。岌  
業土囊口。立袖扶棟梁。鑿翠開戶牖。其陽  
產靈芝。其陰宿牛斗。紛披長松倒。揭嶻嶭。  
石走哀猿啼一聲。客淚迸林藪。荒哉隋家  
帝。製此今頽朽。有口不亡馬為巨唐有  
雖無新增修。尚置官居守。巡非瑤水遠。跡  
是雕牆後。我行屬時危。仰望嗟歎久。天王

守太白駢馬更搔首鳳翔有太白山謂肅宗次鳳翔也

羌村三首

曄曄赤雲西。日脚下平地。柴門鳥雀歸。客千里至。妻孥怪我在。驚定還拭淚。世亂

遭飄蕩。生還偶然遂。鄰人滿牆頭。感歎亦

戲。夜闌更秉燭。相對如夢寐。守字綾出肺肝人似

尋常人所能道者變風之義與漢京之音與

晚歲迫倫生。還家少歡起。嬌兒不離鄰。長

我復卻去憶昔好治涼故繞池邊樹蕭蕭

北風勁。撫事煎百慮。賴知禾黍收。已覺糟

牀注。如今足斟酌。且用慰遲暮。

羣雞正亂叫。客至雞鬪爭。驅雞上樹木。始

問扣柴荆。父老四五人。問我久遠行。手中

各有攜傾。臨濁復清苦。辭酒味薄黍地無

人耕。兵革既未息。兒童盡東征。請為父老

歌艱難。媿深情。歌罷仰天歎。四座淚縱橫。

酒味薄四句以父老語  
入詩艱難句少陵歌也

示從孫濟

平明跨驢出未知，適誰門權門多噂。香且  
復尋諾，孫諸孫貧無事，宅舍如荒村。堂前  
自生竹，堂後自生萱。萱草秋已死，竹枝霜  
不蕃。淘米少汲水，汲多井水渾。刈葵莫放  
手，放手傷葵根。阿翁懶惰久，覺兒行步奔。  
所未為宗族亦不為，盤飧小人利口實薄。

俗難具論，勿受外嫌，猜同姓古所敦。

義鶻行

陰崖有蒼鷹，養子黑柏顛。白地登其巢，吞  
噬恣朝餐。維飛遠求食，雌者鳴辛酸。力強  
不可制，黃口無半存。其父從西歸，翻身八  
長烟。斯須領健鶻，痛憤寄所宣。斗上換孤  
影，嗷嗷來九天。修鱗脫遠枝，巨頸拆老拳。  
高空得蹭蹬，短草辭蜿蜒。折尾能一掉，飽

嗚呼已穿生誰滅眾雖死亦垂千年物情  
○可○愛○也○ 有報復快意貴目前茲嘗以為最急難心  
○命○已○作○速○ 炯然功成失所用舍何其賢近經涵水  
○二○三○四○五○六○七○八○九○十○ 滔此事樵夫傳飄蕭覺素髮凜欲衝儒冠  
○二○三○四○五○六○七○八○九○十○ 人生許與分只在顧盼間聊為義鶻行用

壯士肝

新安吏

以下六詩皆言  
福州所演後事

谷行新安道喧呼聞點兵借問新安吏

雅言

小更無丁府帖昨夜下次選中男行中男  
絕短小何以守王城肥男有母送瘦男獨  
伶俜白○行○者○水暮東流青山猶哭聲莫白使眼  
枯收汝淚縱橫眼枯却見骨天地終無情  
我軍取相州日夕望其平豈意賊難料歸  
軍星散營就糧近故壘練卒依舊京掘壕  
不到水收馬後亦輕况乃王師順撫養甚  
分明送行勿泣血僕射如父兄○諸○水○身○所○  
○見○聞○事○運○

重訂唐詩別裁

卷二

三

以古樂府神理驚心動魄疑鬼  
疑神于六而下何人更能措手

### 潼關吏

士卒何草草。築城潼關道。大城鐵不如。小城萬丈餘。借問潼關吏。修關還備胡。要我下馬行。為我指山隅。連雲列戰格。飛鳥不能踰。胡未但自守。豈復憂西都。丈人視要處。窄狹容單車。艱難奮長戟。千古用一夫。哀哉桃林戰。百萬化為魚。請囑防關將。慎勿學哥舒。

見宜守不宜輕故潼關之敗由哥舒之出戰實由楊國忠之提戰少陵戒後之守關者故云非專歸罪哥舒也

### 石壕吏

暮投石壕村。村人看條元真家古韻非叶有吏夜捉人。老翁踰牆走。老婦出門看。吏呼一何怒。婦啼一何苦。聽婦前致詞。三男業城戍。一男附書至。二男新戰死。存者且偷生。死者長已矣。室中更無人。惟有乳下孫。孫有母未去。出入無完裙。

時兵清後守河

老姬力雖衰請從吏夜歸急應河陽後猶

得備晨炊夜久語聲絕如聞泣幽咽天明

登前途獨與老翁別婦隨吏去老翁自歸少陵與之別也

新婚別

兔絲附蓬麻引蔓故不長嫁女與征夫不

如棄路旁結髮為君妻席不煖君床暮婚

晨告別無乃太匆忙君行雖不遠守邊赴

阿陽妾身未分明何以拜姑嫜父母養我

時日夜令我歲生女有所歸雞狗亦得將

君今往死地沉痛迫中腸誓欲隨君去形

勢反蒼黃勿為新婚念努力事戎行婦人

在軍中兵氣恐不揚自嗟貧家女久致羅

襦裳羅襦不復施對君洗紅粧仰視百鳥

飛大小必雙翔人事多錯作與君永相望

與東山采雨之詩並讀時之感衰可知矣。文中于欲則僕以後續註此種詩

可不績



垂老別

四。郊未寧靜。垂老不得安。子孫陣亡盡。馬  
 用身獨完。拄杖出門去。同行為辛酸。幸有  
 牙。齒存所悲。骨髓乾。男兒既介冑。長揖別  
 上官。老妻卧路啼。歲暮衣裳單。孰知是死  
 別且復傷其寒。此去必不歸。還聞勸加餐。  
 土門壁甚堅。杏園度亦難。勢異郭城下。縱  
 死時猶寬。人生有離合。豈擇衰盛滿。億昔

少壯日遲迴。竟長歎。萬國盡征戍。烽火被  
 岡巒。積屍草木腥。流血川原丹。何鄉為樂  
 土。安敢尚盤桓。棄絕蓬室居。塌然摧肺肝。  
孰知即熟知古同用。魏公子救趙令  
 獨子無兄弟者。以養今子孫亡盡垂老  
 從戎時事  
 亦可傷已

無家別

寂實天寶後。園廬但蒿蕪。我里百餘家。世  
 亂各東西。存者無消息。死者為塵泥。賤子

因陣敗歸來尋舊蹊。久行見空巷。日瘦氣  
慘悽。但對狐與狸。豎毛怒我啼。四鄰何所  
有。一。二。老寡妻。宿鳥戀本枝。安辭且窮棲。  
方春獨荷鋤。日暮還灌畦。吏知我至召  
令習鼓鞀。雖從本州役。內顧無所攜。近行  
止。一。身。遠。志。終。轉。迷。家。鄉。既。盪。盡。遠。近。理。  
亦。齊。永。痛。長。病。母。五。年。委。海。窟。生。我。不。徒。  
力。終。身。兩。酸。嘶。人。生。無。家。別。何。以。為。蒸。蒸。

上章以忠結此章以  
孝結想見老杜的也

佳人

絕代有佳人。幽居在空谷。自云良家子。零  
落依艸木。關中昔喪亂。兄弟遭殺戮。官高  
何足論。不得收骨肉。世情惡衰歇。萬事隨  
轉燭。夫婚輕薄兒。新人美如玉。合昏尚知  
時。鴛鴦不獨宿。但見新人笑。那聞舊人哭。  
在山泉水清。出山泉水濁。侍婢賣珠迴。牽

重訂唐詩集 卷二 三九

蘿補如星。瑤花不插髮。采柏動盈掬。天寒翠袖薄。日暮倚修竹。  
在山二句自寫貞潔也或以在山比新人

出山比舊人終覺未安。結句不著議論而清潔貞正意隱然言外是為詩品

### 夢李白二首

此白從夜即夢還。在佳山江夏之問

死別已吞聲。生別常惻惻。江南瘴癘地。逐

客無消息。故人入我夢。明我長相憶。恐非

平生魂。路遠不可測。魂來楓林青。魂返閨

塞黑。君今在羅網。何以有羽翼。落月滿屋

梁。猶疑照顏色。水深波浪濤。無使蛟龍得

結出題。喜人過意

浮雲終日行。遊子久不至。三夜頻夢君。情

親見君意。告歸常局促。苦道來不易。江湖

多風波。舟楫恐失墜。出門搔白首。苦負平

生志。冠蓋滿京華。斯人獨顛顛。就云網恢

恢。將老身反累。千秋萬歲名。寤寐身後事。

### 萬丈潭

萬丈潭

青溪合冥冥神物有顯晦龍依積水蟠窟

壑五反萬丈內踞步凌浪壩側身下煙靄前臨

洪濤寬卻立蒼石大山危一徑盡崕絕兩

壁對削成根虛無倒影垂澹澹黑如灣○有○不○測○之○險○深

底清見光烟碎孤雲倒來深飛鳥不在外○形○似○○之○小○窟○

高巖成帷幄寒木累旌旆遠川曲通流嵌

竇潛洩瀨造幽無人境發興自我輩告歸

遺恨多將老思遊最閉藏修鱗五反豈出入巨

石磯何當暑天過快意風雨會

鐵堂峽一路自秦州赴

山風吹遊子縹緲乘險絕峽形藏堂墮壁

色立積鐵徑摩穹蒼蟠石與厚地裂修穢

無限竹嵌空太始雪倭連哀壑底徒旅慘

不憚水寒長水橫我馬骨正折生涯砥弧

矢盜賊殊夫滅飄蓬踰三年迴首肝肺熱

青陽峽

塞外苦厭山南行道弥惡岡密相徑一山雲  
 水氣參錯林迴破角求天窈壁面崩溪西  
 五里石奮怒向我浴仰看日車則俯恐坤  
 軸弱魑魅嘯有風霜霰浩漠漠昨憶渝隴  
 以高秋視吳岳東笑薄華卑北知崆峒薄  
 超然俾壯觀已謂殷寥廓突兀猶趁人及  
 茲歎冥冥朱子語錄云杜詩初年甚精細  
 晚年曠逸不可當如自春州八  
蜀詩分明如畫  
 乃其少年作也

寒峽

行過日悄悄山谷勢多端雲門轉絕岸積  
 阻程天寒寒峽不可度我實衣裳重况此  
 仲冬交沂沿增波瀾野人尋烟語行子傍  
 水餐此生兔荷安未敢辭路難

白龕

前嶽又啼天寒昏無日山遠道路迷驅車  
○起○勢○寒○若○移○在○中○問○言○鋪○排○語○何○  
 ○能○應○咆○我○東○虎○豹○號○我○西○我○後○鬼○長○嘯○我○  
 ○法○本○觀○北○上○行○

石龕下非時仲冬見虹蜺伐竹者誰子悲詩上

雲梯為官采美箭中思明係常五歲俱梁齊苦不有餘

盡無以充提携奈何漁陽騎颯颯驚蒸蒸

飛仙閣即棧道

土門山行窄微徑緣秋亭棧雲闌干峻梯

石結構牢萬壑欹疎松積陰帶奔濤寒日

外澹泊長風中怒號歇鞍在地底始覺所

歷高往來雜坐卧人馬同疲勞浮生有定

分錢飽豈可逃歎息謂予子我何隨汝曹

枯柏渡

青冥寒江渡架竹為長橋竿濕烟漠漠江

水風蕭蕭連竿動嫋娜征衣颯飄飄急流

鵝鷄散絕岸雷轟驕西轅自茲異東逝不

可要高通荆門路濶會滄海潮孤光隱顧

盼游子悵寐寥無以洗心胸前登但山楸

水會渡

山行有常程中夜尚未安微月沒已久崖  
傾路何難大江動我前洲若溟渤寬為師  
昭理楫歌笑輕波瀾霜濃木石滑風急手  
足寒入舟已千憂陟嶽仍萬盤迴眺積水  
外始如眾星乾遠遊令人瘦哀疾暫加餐

龍門閣

清江下龍門絕壁無尺土長風駕高浪浩  
浩自太古危途中柴盤仰望垂綫縷滑石

欽。誰。繫。浮。梁。曩。相。挂。日。眩。隕。雜。花。頭。風。吹  
過。雨。百。年。不。敢。料。一。隊。那。得。取。飽。聞。經。瞿  
塘。足。見。度。大。庾。終。身。歷。艱。險。恐。懼。後。此。數

劍門

惟。大。有。詭。險。劍。門。天。下。壯。連。山。抱。西。南。石  
角。皆。北。向。兩。崖。崇。牖。倚。刻。畫。城。郭。狀。一。夫  
怒。臨。關。百。萬。未。可。候。珠。玉。走。中。原。岷。峨。氣  
悽。愴。三。皇。五。帝。前。雞。犬。各。相。放。後。王。尚。柔

重訂唐詩別裁卷二

遠。職。貢。道。已。喪。至。今。英。雄。人。高。視。見。霸。于。  
并。吞。與。割。據。極。力。不。相。讓。吾。將。罪。真。室。意。

欲。鐘。壘。嶂。恐。此。復。偶。然。臨。風。默。悵。悵。自秦州至

成都諸詩與險清削雄奇荒幻無所不備山川詩人兩相踴發所以獨絕古今

也以後五言俱橫厲類隨故响必從容

漶田父泥飲美嚴中丞

武為京兆尹兼御史

中丞故詩中稱尹

步。屢。隨。春。風。柳。田。翁。逼。社。日。邀。

我嘗春酒酒酣誇新尹。畜眼未見有迴頭。

指大男。渠是弓弩手。名在飛騎籍。長番歲

時久。前日放營農。辛苦救衰朽。差科死則

已。誓不舉家走。今年大作社。拾遺能住否。

叫婦開大瓶。盆中為吾取。感此氣揚揚。須

知風化首。語多雖雜亂。說尹終在口。朝來

偶然出。自卯將及酉。欠客惜人情。如何拒

鄰叟。高聲索果栗。欲起時被肘。指揮過無



禮未覺村野醜。月出遮我留。仍噴問升斗。

傳出豐厚村。村景象而美中。丞意自見。若專美鄭公。便是後人應酬。一作

述古

市人日中集。於利競錐刀。置膏烈火上。哀

哀自煎熬。農人望歲稔。相率除蓬蒿。所務

穀為本。邪贏無乃榮。舜舉十六相。身尊道

何高。秦時任商鞅。法令如牛毛。東坡謂此希稷契人

語

望嶽

南嶽配朱鳥。秩禮自百王。歛收領地靈。鴻

洞半炎方。邦家用祀典。在德非馨香。巡狩

何寥寥。有虞今則亡。泊吾隘世網。行邁越

瀟湘。渴日絕壁出。漾舟清光旁。祝融五峯

尊。峰峯次低昂。紫蓋獨不朝。爭長業相望。

恭聞魏夫人。羣仙夾翔翔。有時五峯氣。散

風如飛霜。幸迫限修途。未暇杖崇岡。歸來

觀命駕沐浴休王堂三歎問府主曷以贊

我皇牲璧忍哀俗神其思降祥南嶽亦名

涓日如渴虹渴雨之渴衡山七十二

為最高魏夫人即紫虛元君南岳大

日帝臨諸章是此詩原本神也靈光

送重表姪王冰評事使南海冰音

嘆江賦云冰崖

我之函曰老姑爾之高祖母爾祖未顯時歸

為尚書掃隋朝大業末房杜俱交及長者

來在門元年白翎山家貧無供論客位但

箕帝俄頃羞頗珍寐人散後入推鬢髮

空吁嗟為之久白陳剪鬢髮市鬻充杯酒

上云天下亂宜與英俊厚向竊聽敷公經

綸亦俱有次問最少年此髻十八九子等

成大名皆因此人手下云風雲合龍虎一

吟叱頷履大夫雄得辭兒女醜秦王時在

重刊... 卷一 第一

坐真氣驚... 膺及乎貞觀初尚書踐台斗。

夫人常肩運... 殿稱萬壽六官師柔順法

則化妃后... 叔嫂盛事垂不朽鳳雛

無凡毛五色非雨曹往者胡作逆乾坤沸

整整吾容左馮翊爾家同遁逃爭奪至徒

步塊獨委蓬蒿還留熱雨腸十里卻呼號

自下所騎... 右持腰間刀左卓紫游韁飛

走使我高句活到今日寸心銘佩牢亂離

文聚散宿昔恨滔滔水花笑白首春草亂

青袍廷評返要津節制收英髦北驅漢陽

傳南泛上龍舸家聲肯墜地利器當秋毫

當出親賢領籌運神功操大夫出盧宋寶

貝休胎膏洞主降接武海胡舫萬艘我欲

就井砂吸涉覺... 安能陪蜚上有志乘

鯨鱗或駮... 天聊作鶴鳴臯。盧魚末環

度使... 刺史兼嶺南節度有善政

重刊... 卷一

六二

四

